

太平御覽卷第二百三十一

職官部二十九

大理卿 大理少卿

廷尉監 廷尉評

大理卿 上五

六典曰大理卿之職掌邦國折獄詳刑之事以五聽察其


情一曰氣聽二曰色聽三曰視聽四曰聲聽五曰詞聽三

慮盡其理一曰明慎以讞疑獄二曰哀矜以雪寃獄三曰

公平以鞠庶獄少卿為之貳

韋昭辨釋名曰廷尉縣也右尉也尉古以尉尉人也凡掌賊及

司察之官皆曰尉尉尉也言以罪尉姦非也



尚書帝曰臯繇汝作士明于五刑以弼五教

論語曰孟氏使陽膚為士師士師典問於曾子曾子曰上

失其道民散久矣如得其情則哀矜而勿喜

韓詩外傳曰晉文公使李離為理過聽殺人自拘於廷請

死於君君曰官有貴賤罰有輕重下吏之罪非子之罪也

離曰法失則刑失刑失則在臣居為長不與下吏讓位爵

為多不與下吏分則君以為能聽微決疑故使臣為理今

過聽殺無罪罪當死臣不能以虛自誣遂伏劍死君子曰

忠矣仁矣

家語曰季羔為衛士師則人之足俄而有亂季羔逃則者

守門謂羔曰彼有缺羔曰君子不隧

又曰此有室季羔人焉既罷羔問曰五親則子之足而手

逃我何也刑者曰曩者君理人以法見先君俊臣欲臣之

逸也臣知之當臨論刑君愀然不樂見於顏色臣又知之

君豈私臣哉天生君子其道故然此臣之所以腕腕君也孔

子聞之曰善哉為吏其用法一思如恕則樹德加嚴暴則

樹怨公以行之其子羔乎

史記天官書曰斗魁四星貴人之牢曰大理

漢書曰廷尉秦官掌刑辟有正右左監景帝中六年更名

大理武帝建元四年復為廷尉

又曰于定國為廷尉為人卑恭允重經術其決獄平法務

在哀蠲罪徒從輕加審慎之心朝廷稱之曰張釋之為廷

尉天下無冤人于定國為廷尉人自以不冤

又曰朱博遷廷尉恐為官屬所誣召見正監典法掾吏謂

曰廷尉本起於武吏不明法律幸有衆賢亦何憂然廷尉

化部斷獄以來二十年亦獨耳剽目久剽劫也三尺律令

人事出其中試與正監共撰前代決事吏議難知者數十

事持問廷尉將為諸君覆之正監條目博皆召掾吏為平

處其輕重十中八九官屬咸服

又曰張釋之廷尉文帝嘗行有人從謂橋下出乘輿馬驚

捕之屬廷尉釋之奏其犯蹕當罰金上怒釋之曰法者所

與天下公共也方以其時誅之則已今以下廷尉廷尉天

下之平也一傾天下用法皆為之輕重人安之措其手足

乎後有盜高廟座前玉壞者文帝令族之釋之奏當棄市

上大怒釋之曰法如是也今盜宗廟器而族之如令愚人

取長陵一椽土陛下何以加其法乎

又曰張湯為廷尉決大獄欲傳古義方請博士弟子理尚

書春秋補廷尉史平亭疑法奏讞疑事必先為上分別其

原以揚主之明言此自天子意非由有司也奏事有善則

讓曰監掾吏所為也亭者平也均也

又曰杜周為廷尉其治大教張湯而善候伺上所欲客謂

周曰君為天下決平不循三尺法以三尺竹簡專以主意

為獄獄者固如是乎周曰三尺安出哉前主所是著為律

後主所是疏為令當時為是何古之法乎至周為廷尉獄

亦益多矣二千石繫者新故相因不減百餘人

又曰王先生者善黃老言處士也張釋之召居廷中王生年老與釋之及公卿會廷中立王生襪解顧謂釋之為我繫襪釋之前跪而繫之既退或讓王生曰何辱而張廷尉乎王生曰廷尉方為天下名臣吾聊使繫襪欲重之諸公聞之賢王生而重張廷尉

又曰下邳翟公為廷尉賓客填門及免官門外可設雀羅復為廷尉乃署其門曰一死一生乃知交情一貴一賤交情乃見

又曰文帝初立聞河南守吳公治為天下第一故與立斯同邑乃徵吳公為廷尉

又曰孔光為廷尉時定陵淳于長坐大逆誅長少妻乃始等六人皆以長事未發竟時棄去或更嫁及長史發丞相翟方進等議乃始等放法無以解論光以為夫婦之道有義則合無義則離乃始或嫁義已絕而欲以為妻論殺之名不正不當坐有詔以光議定

東觀漢記曰陳寵為廷尉有疑獄輒手筆作議所活者甚多

後漢書曰郭躬為廷尉躬家代掌法務寬平乃條諸重文可從輕者四十一事奏之事皆施行者著于令

又曰郭躬字仲孫為廷尉正遷廷尉家代掌法自鎮自廷尉左監遷廷尉凡郭氏為廷尉者七人

後漢書曰楊賜遷廷尉乃嘆曰昔三后成功惟殷于民而咎繇不與焉蓋去之也去也遂以代非法家固辭

謝承後漢書曰范延壽宣帝時為廷尉時燕趙之間有三男共娶一妻生四子長各求離別爭財分子至聞于縣縣不能決獄讞之于廷尉於是延壽決之以為悖逆人倫比之禽獸生子屬其母一子並付母尸三男子于市奏免郡太守令長等無師化之道天子遂可其言

又曰傳賢遷廷尉素廉正自掌法官無私門賓客公卿宴會要請不住自以為貧無以報答其施常垂念刑法務從車車遲徊流涕在位四年治獄稱平

平嶠後漢書曰吳雄字季高以明法律斷獄平桓帝時為

遲去字本
破損

廷尉雄子訢孫恭三世丞相為廷尉為法名家

漢官儀曰光武時有以獄見廷尉曹吏張禹所門輒對處

當詳衷於是冊免廷尉以禹代之雖越次而授亦足以勵其臣節也

魏志曰高柔字文惠陳留圉人遷廷尉頃之護軍營士竇

禮近出不還營以為亡表言逐補沒其妻盈及男女為官

奴婢盈連至州府稱寃自訟莫有省者乃辭詣廷尉柔問

曰汝何以知夫不亡盈垂泣對曰夫少草特養一老嫗為

母事甚恭謹又哀兒女撫視不離非是輕狡不顧家室者

也柔重問曰汝夫不與人怨讎乎對曰夫良善與人無讎

又曰汝夫不與人交錢財乎對曰嘗出錢與同營士焦子

五

文久求不得時子文適坐小事繫獄柔乃見子文問所坐
言次曰汝頗曾舉本人錢否子文曰自以單貧初不單舉人
物也柔察子文色動遂曰汝昔舉實禮錢何言不舉耶子
文怪之事露應對不次柔曰汝已殺禮便宜早服子文於
是叩頭具首殺禮本末埋藏所柔便與卒承子文辭往掘
即得屍詔書復盈母子為平民班示天下以禮為戒
又曰高柔字文惠遷廷尉時獵法甚峻而宜陽農劉龜竊
於禁內射免其功曹張京詣授事言之帝匿名收龜付獄
柔請告者名帝大怒曰劉龜當死乃敢獵吾禁地送龜廷
尉廷尉便當考掠何復請告者名吾豈妄收龜改柔曰廷
尉天下之平也安得以至尊喜怒而毀法乎重復為奏辭

旨深切帝意寢乃下張京名即還訊各當其罪

又曰鍾毓遷廷尉聽居父已沒臣子得為理謗又士為侯
其妻不復改嫁毓所創也

晉書曰孔坦字君平遷侍中廷尉多平當法合人情而時
勢要自以愛憎為斷坦意不得皆行也

晉中興書曰范堅字子常為廷尉奏王典支邵廣盜官幔
合布四十疋依律棄而廣息雲宗二人自沒為官奴婢以

贖父尚書議可特聽堅駁之曰此為施恩於今開萬怨於
後顯宗從之正廣刑

又曰王彪之遷廷尉時永嘉太守謝毅赦後殺郡人周矯
從兄球請州訴冤揚州刺史殷浩遣從事收廷尉毅付彪

之以球為獄主身無王爵非廷尉所料不肯受與州相反覆
穆帝發詔令受之彪之又上疏執據時人云張釋之以木
可見斯事

後魏書曰崔光韶遷廷尉卿時秘書監祖瑒瑒以賊罪被劾
光韶欲致之重法太尉城陽王徽尚書令臨淮王或吏部
尚書李儁侍中李或並勢重當時皆為瑒求寬光韶正色
曰朝賢執事於舜之功未聞有一如何反為罪人言乎其
執意不回如此

隋書曰文帝時議置六卿將除大理盧思道奏曰省有駕
部寺留太僕省有刑部寺除大理斯則重畜產而賤刑各
也

又曰楊注字元度守大理卿注視事二日帝將親省囚徒
其時繫囚二百餘人注通宵究審詰朝而奏曲盡事情一
無遺誤帝甚嘉之

唐書官品志曰廷尉卿梁國初建曰大理天監元年復改
為廷尉有正監平三人元會廷尉三官與建康三官皆法
冠玄衣朝服以監東西中華門守執方木長三尺方一寸
謂之執方

又曰郎楚之武德初為大理卿與太子少保李綱侍中陳
叔達撰定律令

又曰劉德威授大理卿太宗嘗問之曰近來刑網綱稍密其
過安在德威奏言誠在主上不由臣下人主好寬則寬好

六十律覽 卷三十三
急則急律文失入減三等失出減五等今則反是失入則無辜失出獲大罪所以吏各自愛敬執深文非有教使之然畏罪之所致耳陛下但拾所急則寧失不經復行於今日矣太宗深然之

又曰高宗問大理唐臨獄繫囚之數臨對曰見囚五十餘人唯二人合死上聞之囚數不多怡然形於顏色謂臨曰昔東宮卿已事朕朕承大位卿又居近職以疇曰相委故授卿此任然為國之要在於刑法急則人殘法寬矣則罪務令折中稱朕意焉

又曰張文瓘為大理卿旬日失遣疑獄四百餘條其得罪者皆為怨言文瓘嘗有疾繫囚相與設齋以禱焉尋拜侍

中兼太子賓客大理囚一事慟哭其得人心如此

又曰大理卿袁仁敬暴卒繫囚聞之皆慟哭悲歌曰天不恤冤人兮何奪我慈親兮有理無申兮痛哉安訢陳兮

又曰龍朔二年改大理卿為詳刑寺正卿

唐新語曰唐臨為大理卿初蒞職斷一死囚先時坐死者十餘人皆它官所斷會太宗幸寺親錄囚徒他官所斷囚皆稱冤不已臨所斷者嘿而無言太宗怪之問其故囚對曰唐卿臣必不在濫所以絕意太宗歎息久之曰為獄固當若是囚遂見原

五代史後唐書曰長興二年八月勅今後大理寺官負宜同臺省官例升進其法直官比禮直官任使

會稽典錄曰盛吉字君達為廷尉性多哀憐其妻謂吉曰君為天下執法不可使一人濫罪殃及子孫其囚無胤嗣者令其妻妾得入使有遺類視事十二年天下稱有恩恩又曰董昆字文通餘姚人也遷廷尉卿持法清峻不發私書

又曰盛吉拜廷尉吉性多仁恩務在哀矜每至冬日罪囚常斷其妻執燭吉手持冊筆夫恩相向垂泣

會稽後賢記曰孔坦遷廷尉卿獄多囚繫坦到官躬執辭狀口辨曲直大小以情不加楚撻每臺司錄獄無所顧門

皆面決當時之事

天文錄曰平星主建遷平天下之獄事若今廷尉之象故

星讚曰平星執法正紀綱也

文字曰臯陶暗為大理天下無雪刑有貴乎言者也

說苑曰楚令尹子文之族有干法建理拘之聞其令尹之

族也而釋之子文召廷理而責之遂致其族人於廷理曰

不是刑吾將死廷理懼遂刑其族人成王聞之不及履而

至于文之室曰寡人幼小置廷理其人以違天子之意於

是出廷理而尊子文之意及內政

新序曰楚昭王時石奢為理有殺人者奢追之則其父也

奢曰以父成政不孝也不行君法非忠也遂刎頭而死

擊虞新禮儀曰故事祀高陶於廷尉寺祀以社日新禮改

以孟秋之月應秋

大理少卿上卷五

後魏職令曰廷尉少卿第四品上第二清用思理平斷明刑識法者

北齊書曰宋世軌為廷尉少卿時大理正蘇珍之亦以平幹知名寺中為之語曰決定嫌疑蘇珍之視表見裏宋世

軌謂之寺之二絕卒官廷尉御史諸囚皆哭曰宋廷尉死我等豈有生路也

隋書曰趙綽為大理少卿侍郎卒辛嘗衣緋褌俗云利官文帝以為屢蠱將斬之綽曰據法不當死臣不敢奉詔上

怒甚令斬綽綽解衣當斬上使人問曰竟如何綽曰執法不敢惜死上良久釋之他日又令斬二人綽曰此人坐當

杖殺之非法上曰不關卿事綽曰陛下置臣法司欲誤殺人豈得不關關臣事上曰撼大木不動者當退綽曰臣真感

天心何論大木上乃止時薛曹為大理卿曹斷獄以情而綽守法俱為稱職

又曰源師煬帝即位拜大理少卿帝在顯仁宮勅官外衛士不得輒離所守有一主師私令衛士出外帝付大理繩

之師據律奏徒帝令斬之師奏曰此人罪誠難恕若陛下初便殺之有司不問文墨既付有司義歸恒典晚宿衛近

侍者更有此犯將何以加之帝乃止

唐新語曰太宗嘗謂侍臣曰大理之職人命所懸當須妙選正人用心存法無過載載者乃以為大理少卿

又曰徐有功遷司刑少卿時周興來俊臣等羅告天下冠
遇族者數千百家有功居司刑平反者不可勝紀時人方
之于定國

大理正 上堂五

六典曰大理正掌參議刑獄詳正科條之事凡六丞斷罪
不當則以法正之

禮記曰成獄辭史以獄成告於正正聽之鄭玄注云於周
禮鄉師之屬今漢有正平丞秦所置也

東觀漢記曰何敞字比干遷廷尉正張湯為廷尉以殘酷
見任增飾法律敬常爭之存者十數

後漢書曰黃霸字次公宣帝在人間時知百姓苦吏聞霸

理法平召為廷尉正及夏侯勝非議下廷尉獄霸從勝受
尚書

謝承後漢書曰陳琳字伯真橋玄表琳明律令徵拜廷尉
正

魏志曰司馬芝字子萃遷大理正有盜官總置都厠上者
吏疑女工收以付獄之曰夫刑罪之失失在可暴今臧物
先得而訊其辭若不勝掠或至誤服之情不可以折獄且
簡而易從大人之化也不失有罪庸世之治耳以今宥所
疑以隆易從之義不亦可乎太祖從其議

晉書曰江統字元應為廷尉正作三刑議

又曰廷尉三官通視南臺持書舊尚書郎下遷梁制服解

多冠介憤帛衣銅印墨綬

晉中興書曰顧榮字彥先入洛以南土秀望累遷廷尉正

南史曰顧協少清介有志操初為廷尉正冬服單薄寺卿

蔡法度欲解褐與之憚其清嚴不敢發口謂人曰我願解

身上襦與願郎願郎難衣食者竟不敢以遺之

大理丞

六典曰大理丞掌分判寺事凡有犯皆據其本狀以正刑

名徒以上各呼囚與其家屬告以罪名問其狀疑不伏則

聽自理

唐書曰杜景佺徐有功為司刑丞與來俊臣侯思止同理

獄人稱之曰遇徐杜必生遇來侯必死

唐新語曰李日知為司刑丞嘗免一死囚少卿胡元禮異

判殺之與日知往復至於再三元禮怒遣府史謂日知曰

元禮不離刑曹此囚無不死法竟以兩聞日知果直

廷尉監

漢書曰邴吉字少卿稍遷廷尉監治巫蠱

謝承後漢書曰陳咸字子威為廷尉監執獄多恩議人常

從輕比多所全活皆稱其恩

晉起居注曰廷尉監陸鸞上表求增築訊堂圖畫先賢像

詔許之

廷尉評

六典曰大理評事掌出使推按凡承制而出推長吏據狀

合停務及禁錮者先請魚書以往據所授之狀鞫而書之
若詞曰有反覆不能首實者則依法拷之凡大理斷獄皆
連署焉

漢書曰宣帝詔曰今遣廷吏與郡鞫獄任輕祿薄其為置
正平真四人其務平之涿郡太守鄭昌上言曰聖王立法
明刑者非以為理救衰亂之起也今明主躬垂明聽不置
廷平獄將自正若開後嗣若不刪定律令律令一定愚人
知所避就姦吏無弄今不正其本而置廷平以理其末代
衰德怠則廷平將搖權而為亂首也宣帝始置左右平而
三輔決錄注云何比干漢武時為廷尉右平謬矣
又曰馬官字游卿行能高潔遷廷尉評

又曰官表曰宣帝地節三年初置左右平四人秩百石
晉中興書曰顧榮字彥先遷廷尉評時趙王欲殺淮南王
允官屬下廷尉議罪榮具明刑理不宜廣濫倫意解賴榮
濟者甚衆

隋書曰廷尉平置一人第六品下後改為評事

唐新語曰敬昭道為大理評事時沂州有反者註誤坐者
四百餘人將隸于司農未即路繫在州獄昭道援赦文判
而免之時宰相責大理奈何免反人家口大理郡官失色
引昭道以見執政怒而責之昭道曰赦云見禁囚徒反者
家口繫在州獄此即見禁也反覆詰對至於五六執政無
以奪之註誤者悉免

三輔決錄注曰茂陵何比于漢武時丞相公孫弘奉為廷尉右平獄無冤民號曰何公

太平御覽卷第二百三十一

宋本校計十一頁

前堂行

太平御覽卷第二百三十二
職官部三十

鴻臚卿 上堂 鴻臚少卿 上堂 典屬國 上堂 司農卿 上堂

司農少卿 上堂 上林苑令 上堂 太倉令 上堂 導官令 上堂

太府卿 上堂 太府少卿 上堂 市令 上堂 平准令 上堂

左右藏令 上堂

鴻臚卿 上堂

六典曰鴻臚卿之職掌賓客及凶儀之事領典客司儀二署以率其官屬而供其職務少卿為之腹。四方夷狄君長朝見者辨其等位以賓待之凡二王之後及夷狄君長之子襲官爵者皆辨其嫡庶詳其可否若諸蕃大酋渠者

封禮命則受冊而往其國

韋昭辨釋名曰腹前肥者臚言以京師為心腹王侯外國

為四體以養之也辨云鴻臚本故典客掌賓禮瀉大也臚

陳序也欲以陳序賓客也

漢書曰田序字子公連擒大姦徵為大鴻臚

又曰典客秦官掌諸侯歸義蠻夷有丞景帝六年更名大

行令武帝太初元年更名鴻臚

東觀漢記曰大鴻臚舊官建武元年復置屬官有丞一人

大行丞一人有理禮負四十七人主齊祠饋贊九賓之禮

續漢書曰大鴻臚卿一人中二十石諸王入當郊迎典其

禮儀及郡國上計并屬焉皇子拜王贊授印綬及拜諸侯

嗣子及四方夷狄封者鴻臚召拜之

謝承後漢書曰陳紀字元方遭父太丘長寔憂嘔血絕氣

豫州嘉其至行表上尚書圖畫百城以勵風俗表紹以太

尉讓紀紀不受拜大鴻臚卒官子羣為三公天下以為公

慙卿卿慙長

又曰白嵩字季山為濟南相甘露降於郡安帝嘉其致瑞

徵拜大鴻臚

漢官解詁曰鴻聲也臚傳也所以傳聲贊導九賓也

又曰昔唐虞賓於四門此則禮賓之制與鴻臚之任亦同

漢雜事曰蕭何為陳留太守入為鴻臚不任賓贊還官

魏志曰崔林字得儒清河東武城人也遷大鴻臚龜茲王

禮字易行

蕭下宋本空一格

遣侍子來朝廷嘉其遠至哀賞其王甚厚餘各國遣子來朝問使連屬林恐所遣或非真的權取疏屬賈胡因通使命利得印綬而道路護送所損滋多勞所養之民資無益之事為夷狄所笑此曩時之所患也乃移書燉煌諭旨并錄前世待遇諸國豐約使有恒常

魏畧曰韓宣字景然為大鴻臚始南陽曲阜暨以宣德在宣前為大鴻臚及宣在官亦稱職故鴻臚中為之語曰大鴻臚小鴻臚前後治行相局如

蜀志曰杜瓊字伯瑜後主立為大鴻臚為人靜嘿少言關門自守不與世事

吳志曰張儼字子節吳人也弱冠知名早歷顯位以博聞

多識拜大鴻臚使于晉皓謂儼曰南道通好以君有出境之才故相屈行對曰華皇重者華臣蒙其榮懼無古人延譽之差磨厲鋒鋦思不辱命既至車騎將軍賈充尚書令裴秀侍中荀勗等欲傲以所不知而不能屈尚書僕射羊祜尚書何植並縞帶之好

唐書官品志曰鴻臚卿位視尚書右丞掌導護贊拜

山濤啓事曰鴻臚職主胡事前後為之者率多不善了今缺當選御史中丞刁攸不審可爾不

鴻臚少卿

上卷五

後魏職令曰鴻臚少卿第四品上第二清用雅李詳常机樞達理者

隋書曰煬帝時蠻夷朝貢前後相屬帝從容請宇文述虞世基等曰四夷率服觀禮幸夏鴻臚之職須歸令望寧有多才藝美容儀可以接對賓客者為之乎咸以蘇夔對帝然之即日拜鴻臚少卿

典屬國 上五

漢書曰武帝以移音中監蘇武為典屬國

又曰宣帝甘露二年以帝惠為典屬國

又曰典屬國秦官掌蠻夷降者成帝河平元年省併大鴻臚

司農卿 上五

六典曰司農卿之職掌邦國倉儲委積之事惣上林大倉

鈎盾導官四署與諸監之官屬謹其出納而修其職務少卿為之式凡京都百司官吏祿廩皆仰給焉

周禮曰冢宰有太府下大夫鄭玄注云太府為王治藏之長若今司農矣

史記曰韓信歸漢漢以為治粟內史

漢書曰治粟內史秦官掌穀貨景帝更名大農令武帝更名大司農

又曰鄭當時字庄庄為司農門下客至無貴賤無留門者執

賓禮齊糧以下人山東諸公翕然稱庄庄曰吾聞鄭左行千里不

又曰朱邑為北海太守以治行第一人為大司農身為列

卿居處節儉性公正不可交以私天子器之朝廷敬焉及卒詔稱揚其節行賜邑子黃金百斤以奉其祭祀

又曰田延年為大司農坐盜都內錢三千萬自殺

又曰平元帝始元年改大司農曰義和以劉歆為之

東觀漢記曰劉據為大司農以職事被遣召詣尚書將加

錡捷尚書左雄諫帝曰九卿位亞三公行則鳴王孝明永

平始加非古制也帝從之卿於是始免杜捶

又曰高詡孝季回以儒李徵拜大司農在朝以清白方正

稱

又曰羊融字子優為大司農性明達稱為明卿

續漢書曰李固為大司農上信闔官天下牧守多其宗親

舊故及受貨賂有詔特拜不由選試亂生彌甚固乃上表

且陳盜賊所以興由官非其人也

又曰大司農卿一人中二千石掌諸錢穀金帛

又曰趙興字仲經為大司農閉門却掃非德不交

又曰耿國字叔慮為大司農晚邊事能論議數上便宜事

天子器之

又曰鄭玄公車徵為大司農給安車一乘所過長吏送迎

張璠漢記曰陳寵為廣漢太守風聲大行入為大司農

應劭漢官儀曰大司農古官也唐虞分命羲和四字敬授

民時高祖受命懲秦之弊與民休息建至文景國家無事

家給人足京師之錢累百已萬貫朽而不可校太倉之粟

陳陳相因克溢露積腐敗而不可食

魏志曰梁習為并州二十餘年政治為天下最乃徵拜大

司農

吳志曰樓玄為大司農玄從九卿持刀衛正身率眾奉法

而行應對切直數遷年皓意漸見責怒後人誣曰玄與賀劭

相逢駐共耳語大笑謗訕政事遂被詔詰責送廣州

晉陽秋曰司農桓範字元則出奔曹爽云大司農印在吾

手中所在得開倉而食

宋書曰大司農卿一人書稱棄後稷其職也

齊職儀曰司農卿耕籍則掌其禮儀

隋書曰趙元淑轉潁州太守甚有惠政因入朝會司農不

時納諸郡租穀元淑奏之帝謂元淑曰如卿意者幾曰當

了元淑曰如臣意不過十日帝即日拜元淑為司農卿納

天子租下如言而了帝悅焉

唐書官品志曰司農卿位視散騎帝侍主農功倉廩統大

倉導官籍田上林令

韓揚天文要集曰天倉者大司農也

吳苑曰吳郡岑淵為吳郡時大司農卿碑注在汪乘湖西

大元中村人見龜載從田中出還其先處萍藻猶著復復下

史游急就篇曰司農少府國之泉也

司農少卿王五

後魏職令曰司農少卿第五清用堪勤有幹能者

唐書曰韋弘祖為司農少卿受詔檢校東都營田園苑之事高宗謂之曰兩都是朕東西二宅也今之官館隋代所造歲序既淹漸將頽頓欲有修造又費財力何如弘祖奏曰臣任司農向已十年前後省費今見貯錢三千萬貫若以供葺理可不勞而就也上大悅之

上林苑令 上五

漢書百官表曰獄屬官有上林令

續漢書曰上林苑令六百石主苑中禽獸有民居皆主之捕得獸送大官

李郃別傳曰郃以郎謁者為上林苑令

揚雄上林苑令箴曰芒芒天由芄芄作穀山有陵野有

林麓夷原汙藪禽獸攸伏魚鼈以時芻蕘咸植國以殷富民以家給

太倉令 上五

六典曰太倉署令掌九穀廩藏之事丞為之貳凡鑿窖置屋皆銘軌為度斛之數與其年月日受領粟官吏姓名文立碑如其銘焉

漢書曰淳于意為太倉令

續漢書曰太倉令一人秩六百石主受郡國轉漕穀

梁翼別傳曰太倉令秦官出入翼妻受所語言飲食獨往

獨來屏去御者官翼壽姊夫宗忻不知書因壽氣力起家

拜太倉令

齊職儀曰太倉令周司徒屬官有廩人舍人則其職也

導官令 上五

六典曰導官令掌導擇米麥之事凡有九穀之用皆隨其精麤美其耗損而供之

漢書百官表曰少府屬官司導官 如淳曰太官之別主酒也

續漢書曰導官令一人主春御米及作乾糲導擇也

太府卿 上五

六典曰太府卿之職掌邦國賦貨之事惣京都四市平准左右藏常平八署之官屬舉其綱目修其職務少卿為之貳以二法平物一曰度量二曰權衡

周禮曰天官屬有太府下大夫掌貢賦受其貨賄之入

梁書曰天監七年置太府班第十三掌金帛府帑統右藏

令上庫丞太市南北市令關津亦皆屬焉

後魏書曰楊播字延慶弘農華陰人也播少修勅奉親盡

禮累遷右衛將軍從車駕南巡到懸瓠除太府卿

唐書曰楊崇禮為太府少卿雖錢帛充仞丈尺間皆自省

閱議以為稱職擢拜太府卿每歲勾剥省便常出數百萬

貫在職二十年公清如有一時太平日久御府財物山積

以為輕楊卿者無不精好

唐書官品志曰太府卿位視宗正掌金帛府帑統右藏令

太府少卿 上五

後魏職令曰太府少卿第四品上時人官上用勤篤有幹

細務無滯者

唐新語曰狄光嗣仁傑長子也春眷宗朝起復除太府少卿

光嗣頻表不起乃降勅朕念卿家門忠於王室奪情禮以

答殊思卿屢表固陳詞理云畢更後命仍編入吏

市令 上堂五

六典曰京都諸市令掌百族交易之事丞為之貳凡建標

立候陳肆辨物以二物平市謂稱以格以三賈均平事

上賈次為中賈為下賈凡賣買不和而攢固攢謂專器其利及更出

開閉共限一價謂賣物一賤為貴若參市而規自入者並

禁之謂在旁高下其價以相惑亂

史記曰司馬談祖為漢市長

漢書百官表曰內史屬官有長安市長又長安西市令長

丞屬左馮翊

東觀漢記曰祭遵從征河北為軍市令舍中兒犯法遵格

殺之上怒命收遵時主簿陳副諫曰明公常欲眾軍整齊

今遵奉法不避是教令行也上乃貸之以為刺姦將軍語

諸將曰當備祭遵吾舍中兒犯令尚殺之必不私諸卿也

晉書曰石苞賣鐵鄴市市長沛國趙元儒名知人見而異

之便與結交歎其遠量當至公輔

齊書儀曰市令周有司廛師司市皆其任也

平准令 上堂五

六典曰平准令掌供官市易之事丞為之貳凡百司不任

用之物則以時出貨其設官物者亦如之
韋昭辨釋名曰釋云平准令主染色色有常平之法准的
之也辨云主平物價使相依准

史記曰蔡弘羊以物多騰躍請置平准於京師受天下委
輸盡籠天下之貨物貴則賣之賤則買之如此則富商大
賈無所牟大利矣始置平准焉

漢書曰百官表曰司農屬官有平准令丞

漢書曰趙廣漢漢清潔下士有名譽州舉茂才拜准令
續漢曰平准令六百石

齊職儀曰染署掌染緇色少昊置五雉為工正翬雉色設
五色之工周有染人之職掌絲帛以為服

左右藏令

六典曰左藏令掌邦國庫藏之事丞為之貳凡天下賦調
先於輸場閱其合尺度斤兩者卿及御史監閱然後納于
庫藏皆題以州縣年月以別僿良以辨新舊也

又曰右藏令掌邦國室貨之事丞為之貳凡四方所獻金
玉珠貝玩好之物皆藏之出納禁令如左藏之職

齊職儀曰右藏庫周天府內府之任天府物所藏也內府
掌邦布之出入以待王用後漢中藏府令丞掌幣帛金銀
諸物晉置中黃左右藏

太平御覽卷第二百三十二 宋本校計九頁

太平御覽卷第三百三十三

職官部三十一

秘書監 上卷二

秘書丞 上卷一

秘書少監 上卷二

秘書郎 上卷一

秘書監 上卷五

六典曰監之職掌邦國籍經圖書之事有二句一曰著作二曰太史皆率其屬而脩其職少監為之貳

東觀漢記曰桓帝延熹二年初置秘書監掌典圖書古今文字合異同

華嶠後漢書曰李者稱東觀為老氏藏室道家蓬萊山玉融曲水詩序曰記言事於仙室謂藏室也

魏志曰王象字義伯散騎常侍領秘書監撰皇覽魚豢
魏畧曰蘭臺臺也而秘書署耳

王隱晉書曰王沉為秘書監著魏書多為時諱而善序事

又曰羊祐為黃門郎陳留王立以少帝不願為侍臣徒為

秘書監

又曰惠帝永平元年詔公秘書監經理經籍考校古今課

試署吏領有四百人宜專其事

鄧粲晉紀曰華譚為秘書自負宿名意每快悻常從容謂

上曰臣老於秘閣矣汲黯之言復存今日上不悅

晉諸公讚曰荀勗領秘書監太康二年汲郡家中得竹書

勗躬自撰次注寫以為中經列於秘書經傳闕文所證明

又讚曰庾峻自司空長史秘書監幽讚符命天文地理因
有述焉

何法盛晉中興書曰孫盛字安國為秘書監篤尚好學自
少及長常手不釋卷既居史官乃著三國陽秋

沈約宋書百官志曰秘書監丞各一人郎四人魏武建國
有秘書令左右丞黃初中分秘書立中書而秘書之局不

廢

昔漢武帝建藏書之冊置書之官於是天下文籍皆在天

祿石渠延閣廣內秘書之室謂之秘書至誠衰世使劉向

父子以本官典其事至于後則圖籍在東觀有校書郎又

有著作郎傳教馬徒多為教書郎又蔡邕從尚書郎選入
東觀著作既已為尚書郎而入東觀著作復

卷之三十三

拜議郎知是又碩學達官往往典校秘書於向歆故事或
著作郎也但校書東觀或有兼撰漢記也

梁書曰任昉字彥昇為秘書監自齊永元以來秘閣四部
篇卷紛雜昉手自雘校由是篇目定焉

後魏書曰伊馥世祖欲拜馥為尚書郡公馥辭曰尚書務
殷公爵至重非臣年少過近所宜荷任請收過恩世祖問

其馥馥曰中秘二省多諸文士若恩矜不已請參其次世
祖賢之遂拜為中護將軍秘書監

隋書曰柳彧嘗帝嗣位拜秘書監封漢南縣公帝退朝之
後便命入閣言宴諷讀終日而罷帝每與嬪后對酒時逢

興奉會輒遣命之至與同榻共席恩若朋友帝猶恨不能

夜於是召命匠刻木偶人施機關能坐起拜伏以像於嘗
帝每在月下對酒輒令宮人置之於座與相酬酢而為懽

笑唐書曰魏為秘書監奏引孝者校定四部書自是秘府圖
籍粲然畢備

劉歆七畧曰武帝廣獻書之路百年之間書積如丘山故
外有太常史博士之藏內則延閣廣內秘室之府

魚豢典畧曰芸臺香碎紙魚蠹故藏書臺稱芸臺

三輔黃圖曰未央宮東有麒麟殿藏秘書即楊雄教書之
處也

王充論衡曰蘭臺之官監國得失也

通典曰秘書省但主書寫勘校而已雖非要刺然好李君子亦多求為之

溫嶠舉荀崧為秘書監表曰夫國史之興將以明得失之跡謂之實錄使一代之典煥然可觀散騎常侍崧文質彬思義通博歷位先朝蒞事以穆宜掌秘奧宣明史籍又王肅表曰青龍之末主者啓選秘書監詔秘書騶吏以上三百餘人非但李問義理當聞有威嚴能檢下者詔肅以常侍領焉

又王肅曰秘書不應屬少府表曰魏之秘書即漢之東觀郡國稱敢言之上東觀且自大魏分秘書而為中書以來名于相繼于今三監未有隸名於少府者也今欲使臣

名於騶隸言於外府不亦隳朝章而辱國典乎太和之中蘭臺秘書爭議三府奏議秘書司先生之載籍掌制書之典謨與中書相亞宜與中書為官聯

華嶠集詔曰尚書嶠體素弘簡文雅該通經覽古今博聞多識屬書實錄有良史之志故轉為秘書監其加散騎常侍使中書散騎著作及治體者律天文數術南省文章門下撰集皆典領之嶠表伏見詔書以臣為秘書監加位常伯昔劉向父子世與司籍馬融通博三入東觀非臣膚淺所敢投跡

唐書太宗正授顏師古秘書監制曰秘書監望華史官任重選重而舉歷代依難守秘書監顏師古體業淹和氣用詳

敏學慈流畧詞兼典職司圖經歲序朱紫既辨著述有成宜正名器允茲望實可秘書監

秘書少監 上三五

唐書曰周思茂者具州漳南人少與第思鈞俱早知名自右史轉太子舍人與犯履水在禁最家親過至於政事損益多參預焉累遷麟臺少監崇文館學士垂拱四年下獄死又曰王紹宗揚州江都人也遷秘書少監仍侍皇太子讀書紹宗姓澹雅以儒素見稱當時朝廷之士咸敬慕之張易之兄弟亦厚之伏誅紹宗坐以交往見廢

又曰德宗以左諫議大夫史館脩撰張薦為秘書監脩撰如故時裴廷齡貴欲異同宰府乃言於上曰諫議大夫論

朝廷得失之官吏館修撰書朝廷得失之事則領史職者不宜為諫官故有斯命

秘書丞 上三五

魏志曰武帝置秘書左右丞以劉放為秘書左丞孫資為秘書右丞

魏畧曰薛夏字宣聲天水人也博學有才華天水舊有姜任閻趙四姓常推於郡中而夏為單家不為降屈四姓欲

治之夏乃遊逸東詣京師太祖宿聞其名甚禮遇之文帝又加其才黃初中為秘書丞帝常與夏推論書傳未嘗不終日也每呼之不名而謂之薛君夏居甚貧帝又願其衣

薄解御袍賜之其後征東將軍曹休來朝時帝方與夏有

所諮論而外格休到帝引入坐定帝願夏目之於休曰此君秘書丞天水薛宣也聲宜共談其見遇如此

魚豢魏畧曰薛夏為秘書丞時秘書嘗公事移蘭臺蘭臺自以臺也秘書丞時為署耳謂不得儀當有坐者之夏報曰蘭臺為外臺秘書為內閣臺也閣也何不相移之有蘭臺無以折之

反曰嚴苞以高才黃初中為秘書丞數奏文賦帝其異之晉書曰嵇紹以父得罪靖居私門山濤領選啓武帝曰康誥有言父子罪不相及嵇紹賢侔却缺宜加旌命請為秘書郎帝謂濤曰如卿所言乃堪為丞何但郎也乃發詔徵之起家為秘書丞

王隱晉書曰庾峻字山甫博學有才為秘書丞遍觀古今聞見益優

虞預晉書曰何禎字元幹廬江人也為尚書郎特詔參秘書丞秘書本有一丞時尚未轉遂以禎為右丞右丞之置自禎始也

檀道論晉陽秋曰太元十八年王謐為秘書丞乃表前尚書殷允中書郎張敞太子後率鄒儉之故太常桓石秀是多書之家請秘書郎分局採借

齊書曰王儉字仲宝為秘書丞上表求校墳籍依七畧撰七志四十卷獻之

又曰張率字士簡吳郡人遷秘書丞高祖曰秘書丞天下

清官東南曹緒未為有之今以相處為卿定名譽
齊職儀云秘書丞銅印墨綬

南史劉孝綽遷秘書丞武帝謂舍人周捨云第一當官用
第一人故以孝綽居此職

後魏書曰孝彪字道固遷秘書丞分領著作事自武成帝
已來至於太和崔浩高允著書且述編年序錄為春秋之體

遺落時事一二無存彪與書令高祐始奏從遷固之體創
為紀傳表志之目焉

又曰李輔字伯尚少有重名高祖每云此李氏之千里駒
勅撰太宗起居注尋遷秘書丞

後周書曰柳虬為秘書丞時秘書雖領著作不參更事自

虬為丞始令監掌焉

王肅論秘書表云青龍中議秘書丞即與博士議即同職

近日月宜在三臺上

又曰秘書丞即乘鹿車猶用尺奏恐非陛下崇儒之本意

也

秘書郎

六典曰秘書郎四人從六品上晉起居注云武帝遣秘書

圖書分為甲乙丙丁四部使秘書郎各掌其一焉

魏志曰王基字伯輿東萊人也時青土初定刺史王凌特
表請基為別駕後召為秘書郎凌復請還之司徒王既辟

基凌又不遣既書却州曰取宿衛之臣留秘閣之吏所希

聞也凌猶不違凌流稱青土蓋亦由基協和之輔也
又曰鍾會字士季敏惠夙成時將濟著論謂觀其眸子可
以知人會年五歲見濟大奇之正始中以賜官郎中_文為
秘書郎

蜀志曰却正字令先安貧好學博涉墳籍弱冠能屬文入
為秘書史轉令史遷秘書郎性澹於榮利尤耽文章自司
馬王楊班傳張蔡之儔遺文篇賦及當世美書善論益倍
有者則饋鑿推求畧皆寓目

王隱晉書曰鄭默字思元為秘書郎刪省舊文除其浮穢
時陳留虞松為中書令為默曰而今而後朱紫別矣

又曰在思專思三都賦曰杜絕人事自以所見不博求為

秘書郎

虞預晉書曰司馬彪少篤學不倦好色薄行不交人事專
精學問大始中為秘書郎後轉為丞

晉太康起居注曰秘書丞桓石綏啓校定四部書詔郎中
四人各掌一部

晉云云秘書郎掌外三閣經書復省閣正定誤
沈約宋書曰秘書郎四人後漢教書郎也

又曰蕭惠開雖貴戚而車服簡素初為秘書郎秘書者作
並名家年少惠開意趣與之多不同比肩或三年不共語
宋書曰王敬弘子恢之為秘書郎使求為奉朝請與恢之
書曰秘書有限故有競朝請無限故無競吾欲使汝處之

魏文帝許之

梁書曰張纘字伯緒為秘書郎固求不遷欲遍觀閣內圖書籍

後魏書曰高謐字安平有文武才度天安中以功臣子召入禁中除秘書郎典秘閣謐以墳典殘缺奏廣訪郡邑大加繕寫由是代京圖書莫不蕃正

通典曰宋齊秘書郎皆四員尤為美職皆為甲族起家之選待次入補其居職到十月便選

又曰秘書郎自齊梁之末多以遺^貴子弟為之無其才實故當時諺曰上車不落則著作^體中何如則秘書

王肅表曰臣以為秘書職於三臺為近密中書郎在尚書

丞郎上秘書丞郎宜次尚書郎下不然則且次侍御史下

秘書丞郎俱四百石遷宜比尚書郎亦出且為郡此陛下

崇儒術之盛旨也尚書郎侍御史皆乘犢車而秘書丞郎

獨鹿車不得朝服之恐非陛下轉臺郎以為秘書丞郎之

本意也

太平御覽卷第二百三十三

宋本校計七頁

太平御覽卷第二百三十四

職官部三十二

著作郎

上空二

著作佐郎

上空二

校書郎

上空一

正字

上空二

著作郎

上空五

續漢書曰弘農楊彪字文先多識博聞與諸郎著作

東觀王隱晉書曰陳壽為著作佐遷大著作

又曰陸士衡以文學_學秘書監虞所濬請為著作郎議晉書

限斷

又曰何嵩善史作_漢為著作

晉書曰元康元年詔著作郎舊_{諫中書}穎會而秘書既典司文籍

今改中書著作郎為秘書著作郎

晉中興書曰孫盛歷散騎常侍秘書監常領著作

又曰孫綽為散騎常侍領大著作于時才筆之士綽為其

冠

又曰李充為大著作于時典籍混亂充側除煩重以類分

作四部秘閣以為永制

又曰謝沈為祠部郎何充度冰以沈有史才遷大著作

晉太興起居注曰元帝依故事召陳郡王隱待詔著作單

衣介幘翔望朝著作之者

沈約宋書曰何丞天除著作郎撰國史丞天時年已老而

諸作郎並名家年少蜀伯子嘲之常呼為妳母丞天曰卿

當云鳳凰將九子妳母何言耶

又曰著作郎後漢官後漢已來太史但掌天文律曆而已

其國記撰述悉在著作江左王導表著作為史官是也後

漢東觀有著作郎

後漢書曰崔浩好文學時人莫及大興中給事秘書轉著

作郎太祖以其工書常置左右太祖季年威風嚴峻官者

左右多以微過莫不逃隱浩獨恭勤不怠或納日不歸天

祖知之勅命賜以御粥其砥直任時不為窮通改節皆此

類也

又曰程駿拜著作郎顯祖屢引與論易老之義顧謂羣臣

曰朕與此人言意甚閑暢又問駿曰卿年幾何對曰臣今

六十有一顯祖宗昔太公既老而遭文王卿今遇朕豈非
早也駿曰臣雖才謝台望而陛下尊過西伯觀天假餘年
竭六韜之效

又曰韓顯宗除著作郎高祖曾為顯宗及程靈虬曰著作
之任國言是司卿等之才朕自委悉中省之品卿等所聞
若欲取古人班馬之徒固自遼闊若求之當代文孝之能
卿等應推崔孝伯

又曰趙逸為赫連屈丐著作郎世祖平統萬見逸所書曰
此豎無道安得為此言乎作者誰也其速推之司徒崔浩
進曰彼之謬述亦猶子雲之美新皇王之道固宜容之世
祖止

三國典畧曰齊主以其著作郎祖珽數上密啓命中書門
下二省斷珽奏事初珽為秘書郎用芳林遍畧質擄蒲錢
又陳元康被傷將死憑珽作書屬家累并云祖喜邊有少
許物宜早索取珽不通此書與喜私問得金二十五錠唯
與喜二錠餘並自入祖喜先康二弟叔謀李據等叔謀以
語楊愔愔輦眉答曰恐不益亡者因此得停其後齊文宣
以珽為秘書丞盜遍畧事發付平陽王淹令錄珽付禁淹
遣使收珽珽便私逃黃門侍郎高得正謀云但宣命向秘
書稱奉并州進止須經史各部仰丞親自檢校催遣如此
則珽意自安夜當還宅然後掩捉之果如德正所圖遂縛
送廷尉據犯當死文宣以其伏事先代除名為民愛其才

伎令直中書晉選勞舊遷為著作

唐書曰著作郎鄧隆上表請編錄御製詩集太宗冲讓不

許隆好學多伎王充兄子太守之河陽也引隆為賓客大

見親遇太宗攻洛陽遣書諭大隆為太復書言辭不遜洛

陽平後隆懼罪變姓名自號隱云先生窟於白鹿山黃冠

野服不接人事貞觀初徵授國子主簿與博士崔仁師昌

黎慕容善行弘農劉顥新野康安禮河東敬播俱為修史

學士隆負宿罪猶不自安太聞之遣方齡謂之曰爾之為

王大作書誠合重責但各為其主於朕何有惡哉朕今為

天子何能追責匹夫之過耳宜坦然勿懷危懼也擢校著

作郎及脩史成尋卒擢東都記三十卷為學者所重

又曰龍翔二年改著作郎為司文郎中佐郎為司文郎

又曰劉充濟傳垂拱四年明堂初成允濟奏上明堂賦以

諷則天甚嘉歎之手製褒美拜著作郎

陶氏職官要錄曰著作郎舊規通直郎史才富博者為之

應亨集議著作表曰自司隸校尉奉著臣五葉著作不絕

鄉族以為美談

著作佐郎 上三五

王隱晉書曰武帝欲以郭琦為佐著作郎問尚書郭彰

彰琦不附已答詔不識上曰若如卿言烏丸家兒能事卿

即堪郎矣及趙王倫篡又欲用琦琦曰我已為武帝吏不

能復為今世更終於家

又曰華嶠漢書十典未成秘書監繆徵奏嶠少子暢為著作佐郎卒成十典

晉中興書曰郭璞奏南郊賦中宗見賦嘉其才以為著作佐郎

又曰華譚為秘書監時晉陵朱鳳吳郡吳震等以單于有史才白首衡門譚薦二人擢補著作佐郎並皆稱職

沈約宋書曰謝裕字景仁陳郡楊夏人也會稽王世子元顯嬖人張法順權傾一時內外無不造門者唯景仁不至年三十方為著作佐郎桓玄誅元顯見景仁謂四坐曰司馬庶人父子云何不敗遂令謝景仁三十方著作佐郎後魏書曰宋弁字義和為著作佐郎尋除尚書殿中郎中

高祖曾因朝會之次歷訪治道弁年少官微自下而對聲姿清亮進止可觀高祖稱善者久之因是大被知過賜名為弁意取弁和獻玉楚王不知寶之理也

後周書曰黎景熙字李明正定古今文字於東閣大統末除安西將軍尋拜著作佐郎於時倫輩皆位兼常伯車服華盛唯李明獨以貧素居之而無愧色又勤於所職著述不怠然性尤專固不合於時是以一為史官十年不調

張華列傳曰陳壽好學善著述論著作佐郎當時夏侯湛等多欲作魏書見壽所作即壞已書

文士傳曰東晉晚應司空辟入府六日除著作佐郎著作西觀撰晉書章創三帝紀及十志

又曰張載作濛汜賦太僕傳玄見賦歎息稱善以車迎載
言談終日玄深貴重載遂知名起家徵為佐著作郎

校書郎 上空五

六典曰校書郎八人正九品上掌辨校典籍刊正文字

漢書曰劉歆字子駿少以通詩書能屬文召見成帝時待

詔官者署為黃門郎河平中受詔與父向領校秘書講六

藝傳記諸子無所不究

又曰王莽劉棻時楊雄校書天祿閣上治獄使者來欲收

雄雄恐不能自免迺從閣上自投幾死莽曰雄素不與之

事何故在此問其故迺劉棻嘗從雄學作奇字雄不知情

有詔勿問

後漢書曰馬融字季長博通經籍永初二年大將軍鄧騭

聞融名召為舍人四年拜為校書郎中請東觀典校書秘

是肯鄧太后臨朝騭兄弟兼政以為文德可興武功宜廢

遂寢蒐狩之禮息戰陣之法故使猾賊縱橫乘此無備融

乃感激以為文武之道聖賢不墜墜五才並用無或可廢乃

上廣成頌以諷諫

王隱晉書曰鄭默字思元為秘書郎刪省舊文除其浮穢

著魏中經中書令虞松謂默曰而今而後朱紫別矣

晉令曰秘書郎掌中外三閣經覆校闕遺正定脫誤

晉太元起居注曰秘書丞桓綏啓校定四部書詔遣郎中

四人各掌一部

唐書曰楊炯華陰人幼聰敏博學善屬文神童舉拜校書郎為崇文館學士

正字 上空五

六典曰正字四人正九品下掌定典籍判正文字

唐書曰陳子昂苦節讀書尤書文高宗靈駕將還長安子昂詣闕上書陳東都形勝可以安置山陵闕中儉早行西不便則天召見奇其對拜靈麟臺正字

又曰吳通玄道瓘為太子諸王授經而通玄兄弟出入禁掖恒侍太子遊通玄與兄通微俱博學善屬文文綵綺麗通玄幼應神童釋褐秘書省正字

又曰蘇弁字元容京兆武功人也弁少有文學舉進士授

秘書省正字

唐明皇雜錄曰劉晏以神童為秘書省秘書正字上問晏曰正字正得幾字晏曰天下字皆正惟有朋字未正玄宗大奇之

太平御覽卷第二百三十四

宋本校計六頁

大書文

曰五字... 太平御覽卷第二百三十五

太平御覽卷第二百三十五

職官部三十三

太史令

上卷五

殿中監

六尚附

大長秋

上卷三

春秋元命苞云屈云挾一而起者為史史之為言紀也天
度文法以起也

尚書酒誥曰太史友內史友太史內史掌國典
法所賓友者也

周書曰維正月王在成周昧爽召三公右史戎夫曰今夕

朕寤遂事其驚余乃取遂事之要戒甲戎夫主之翔望以

聞也

禮記曲禮下曰天子建六太曰太宰太宗太史太祝太工

太卜典司六典

及王藻曰動則左史書之言則右史書之

春秋宣上曰趙穿攻靈公於桃園宣子未出山而復太史

書曰趙盾弑其君以示於朝宣子曰不弑君對曰子為正卿

亡不越境返不討賊罪子而誰宣子曰嗚呼我之懷矣自

貽伊戚其我之謂矣孔子曰董狐古之良史也書法不隱

又襄四曰太史書崔杼弑其君崔子殺之其弟嗣書而死

者二人嗣續其弟又書乃舍之南史氏聞太史盡死執簡

以往聞既書矣乃還

又曰魯昭公二年晉韓宣子聘魯觀書於太史氏見易象

與魯春秋曰周書盡在魯矣

周禮春官下曰太史掌建國之六典太史曰官也春秋傳

使有卿禮

大戴自太子既冠成人免於保傅則有司過之史

春秋文耀鉤曰楚立唐氏以為史官蒼雲如蜺圍斬七蟠中有

荷斧之人嚮軼而躡躡猶周也楚驚

唐史曰君慢命又簡宗廟命天命也軼於天文楚之分也

於是晝遺炎煙耀於蒼雲精消無文水也書曰雲水氣圍軼

亦陽也遺之者象蟠所也水難勝火三唐史之策上滅蒼

陽併氣且火炎上宜消滅也文則蜺也

韓詩外傳曰據法守職而不敢為非者太史也

毛詩序曰國史明乎得失之職傷人倫之廢衰刑政之苛

吟詠性情以諷其上達於事變而懷其舊俗者也

春秋後語曰晉太史屠黍見晉之亂以其國法歸周

國語曰鄭桓公為司徒問於史伯曰王室多故也史伯周余

懼及之焉

漢書曰司馬喜生談談為太史公如淳曰漢儀注太史公

下計書先上太史公願上丞相序事如古春秋遷施宣帝

以其官為令行太史公文書而已臣續案百官表無太史

公茂陵中書司遷仕為郎中使西征巴蜀以南畧印笮音昨

昆明還報命是歲天子始建漢家之風而太史公留滯周

南如淳曰周不得與從事發憤且卒而子遷適反見父於

河洛之間太史公執遷手而泣曰予先周室之太史也自

上世嘗顯功名虞夏典天官事後世中衰絕於予乎予復

為太史則續吾祖矣今天子按千歲之緒封泰山而予不

得行是命也夫是命也夫予死汝必為太史為太史無忘

吾所欲論著矣遷俯首流泣曰小子不敏請述論先人所

次舊聞不敢闕卒三歲而遷為太史令

又藝文志曰古之枉者世有史官君舉必書所以慎言行

昭法式也

又曰清史子注古史官記事也

又曰孔甲盤孟篇黃帝史官

又曰史籀周宣王太史作大篆

又曰秦太史令胡毋敬作博學章

東觀漢記曰陰猛以博通古今為太史令

太平御覽 卷一百三十五 三
司馬彪續漢書曰張衡字子平以郎中遷太史令妙善機
衡之正紀渾天儀復造候風地動儀以精銅鐵成負徑八
尺合蓋隆起形如酒杯如有地動樽則震尋其方面知震
所在驗之以事合契如神

張璠漢記曰初王師敗於曹陽欲浮河東下御史太史令
王立曰去春太白犯鎮星於斗過天津熒惑又逆行守河
北不可犯也由是遂北渡河將自軹關東出立又謂宗正
劉艾曰前太白守天關與熒惑金火交會革命之象也漢
祚終矣晉魏必有興者後立數言於帝曰天命有就去五
行不常盛代者土也承漢魏也能安天下者曹姓唯委任
曹氏而已曹公聞之使人語立曰知忠於朝廷天道深遠

幸勿多言

應劭曰太史令秩六百石掌天時星曆凡歲奏新年曆凡
國祭祀喪娶之事奏良田園有瑞應災異記之

又曰太史令秩六百石望郎三十人掌故三十人昔在顓
頊南正重司天火正黎司地唐虞之際分命羲和曆象日
月星辰敬授民時至於夏后殷周世叙其官皆精研術數
窮神知化當春秋時魯有梓慎晉有卜偃宋有子韋鄭有
裨竈觀乎天文以察時變其言屢中有備無害漢興甘石
唐都司馬父子抑亦次焉未塗盜進苟忝茲階既聞候望
競飾邪偽以凶為吉莫之懲糾

漢舊儀曰承周史官至武帝置太史公司馬遷父談世為

太平御覽 卷三百三十五
太史遷年十三使秦傳行天下求古諸侯之史記
魏志曰黃龍見譙橋玄問太史令單颺颺曰其國當有王者

吳志曰吳範字文則會稽上虞人也劉盛兵西陵範曰後當和親終皆如言其占驗明審如此權以範為騎都尉領太史令數從訪問欲知其訣範秘惜其術不以至要語權由是恨也

又曰韋曜字弘嗣孫亮即位諸葛恪輔政表曜為太史令撰吳書

沈約宋書曰太史掌曆數靈臺專候日月星氣焉

世本曰沮誦蒼頡作書宋衷註曰沮誦蒼頡黃帝之史官

唐書曰乾元元年改太史局為司天臺掌天文曆數風雲氣色有異則密封以聞其小吏有司曆保章正靈臺郎挈壺正等官各有差

呂氏春秋曰夏太史終古見樂或亂載其圖法而泣乃出奔商商太史高勢見紂之迷亂載其圖法出之周晉太史屠乘見晉之亂以其圖法歸周

帝王世紀曰黃帝使蒼頡取象鳥跡始作文字之篆史官之作蓋自此始記其言行冊而藏之

文士傳曰張衡性精微有功巧藝特留意於天文陰陽筭數由是遷太史令

環濟要畧曰太史令取善繼述者使記時事天子圖書計

最典籍皆副焉

賈誼書曰不知日月之時節不知先王之諱與國之忌不知風雲雷之青凡此屬太史之任也

楊雄太史令箴曰昔在太古愛初肇記天地之紀重黎是
同降及唐虞乃命羲和欽若昊天百政攸宜便帝不慎羲
和不令酒時亂日帝旅愛征庶寮殷唯天為難夏氏黷德
而明神不蠲

荀悅申鑒曰古者天子諸侯有事必告廟左右二史咸否
成敗無不存焉得失一朝榮辱千載善人教焉悖人懼焉
故先王重之以副賞罰以輔法教宜於官者其方之各書
其事歲盡則集之於尚書

殿中監 六尚附
上空五

六典曰殿中監掌服御之事惣尚食尚藥尚衣尚乘尚舍
尚輦六局之官属俗其禮物而其職事少監為之貳

尚食奉御掌謹其儲供辨其名數直長為之貳

尚藥奉御掌合和藥物辨藥上中下之三品直長為之貳

尚衣奉御掌衣服詳其制度辨其名數

尚乘奉御掌內外閑廐之馬辨其廐良而率其習馭直長

為之貳

尚書奉御掌殿庭張設湯沐而潔其灑掃直長為之貳

尚輦奉御掌輿輦織扇之分分其次序而辨其名數直長

為之貳

大長秋 上空五

天官書有宦者四星在帝座之座之西周有官正宮伯璿

王宮中宮人掌王之內宰理王內之政令以陰禮也閹人寺

人官戰國時有宦者令秦有將作尉衛少府各一人並皇

也漢景帝中六年改將作為長秋顏師古秋收成之時長

后官或用小人或用士人中人也成帝加置太僕一人掌

太后輿馬通謂之皇太后卿皆從太后宮為官號無太后

則闔至後漢復增置丞中宮謂者令宮中尚書宮中私府

中宮求巷令中宮黃門冗從僕射虎賁官騎中宮官署令

藥長並縣大長秋歷魏晉宋梁陳後魏皆有長秋之號而

官屬省置不同北齊有長秋寺置卿中尹各一人諸官閣

掖庭等並用官者隋改曰內侍省煬帝改為長秋監置令

一人丞二人並用士人唐武德初復為內事省皆用官者

後漢書曰鄭衆字季產南陽隼人也為人謹敏有心永平

中初給事太子家肅宗即位拜小黃門遷中常侍和帝初

竇太后秉政后兄大將軍憲等並竊威權朝臣上下莫不

附之而衆獨一心王室不事豪黨帝親信焉又憲兄弟圖

作不軌衆遂首謀誅之以功遷大長秋

又曰良賀位為大長秋清儉退後陽嘉中詔九卿舉武猛

賀獨無所薦帝引問其故對曰臣生自草茅長於宮掖既

無知人之名又未嘗交加士類音因衛鞅因景監以見有職

知其不終今得臣舉者匪榮貽辱固辭之

又曰曹騰字季興順帝在東宮鄉太后以騰年少謹厚使侍皇太子書特見親愛及即位騰為黃門遷中常侍桓帝得立騰與長樂太僕州輔等七人以定冊功皆封亭侯騰遷大長秋用事省闈三十餘年奉事四帝未嘗有過其所進達皆海內名人

又曰曹節字漢豐南陽新野人也靈帝即位以冊功封長安卿侯時竇太后臨朝后父太將軍武興太傅陳蕃謀誅中官節等與長樂五官史朱瑀等矯詔誅武蕃等節遷長樂衛尉後轉大長秋

太平御覽卷第二百三十五

終宋本校計六頁

前空三行

太平御覽卷之二百三十六

職官部三十四

國子祭酒

上空四博士少府監

上空二

將作監

上空四

司業

上空三

國子祭酒

六典曰國子祭酒司業之職掌邦國儒學訓導政令有六焉一曰國子二曰大學三曰四門四曰律學五曰書學六曰算學

韋昭辯釋名曰祭酒者謂祭六神以酒醑之也辨云凡會同饗讌必尊長先用先用必酒以祭先故曰祭酒漢時吳王年長以為劉氏祭酒是也

徐廣釋祭酒云古主人具饌則賓中長者一人舉酒祭地是則長者為祭酒也

漢書曰吳王賜號為劉氏祭酒應詔曰禮飲酒必祭示有先也故稱祭酒飲時為尊長者以酒沃酹也

又曰張安世薦蘇武明習故事奉使不辱命宣帝以武壯節老臣令朝朔望號稱祭酒甚優寵之

續漢書曰官表曰建武初置五經博士太常差次有聰明威重者一人為祭酒總領綱紀

漢書百官表注博士祭酒一人掌國子學皇朝服進賢兩梁冠佩水蒼玉

蜀志曰先主既定益州廣太守夏纂請秦必為師友之祭

酒

晉書曰袁瓌字山甫為國子祭酒時屬經喪亂禮教陵遲

瓌上疏求立學徒帝從之國學之興自瓌始也

又曰裴頠為祭酒奏立太學講堂築門闕刻石寫五經

晉中興書曰杜夷字行齊以儒學稱中宗以夷為丞相祭

酒中興初皇太子凡三至夷舍執經問義

沈約宋書曰博士秦官也掌通古今員多至數十人有僕

射光武增為十五人並益一經有數家之學故也皆教第

子光武改僕射曰祭酒祭酒者一位之元長也

齊書曰張緒竟陵王子良領國子祭酒武帝勅王晏曰吾

欲令司徒辭祭酒以授張緒物議以為云何子良竟不拜

以緒領國子祭酒

齊職儀曰晉令博士祭酒掌國學而國子生師事之祭酒執經葛巾單衣終身致敬

梁書令曰王丞字安期為國子祭酒丞祖儉父暕並居此職三代為國師前代未有當時以為榮暕音簡

崔鴻十六國春秋前秦錄曰建元七年高平蘇通長樂劉祥並以碩學者儒尤精二禮堅以通為禮記祭酒居于東庠祥為儀禮祭酒處于西亭堅每月朔旦率百寮親臨講

論

後魏書曰韓子熙累遷國子祭酒子儉熙素安貧常好退靜遷鄴之始百司並給兵力時以祭酒閑豫止給二人或

有令其陳謁者子熙曰朝廷不與祭酒兵何關韓子熙事論者稱之

後周書曰盧誕本名恭祖拜給事黃門侍郎魏帝詔曰經師易求人師難得朕諸兒稍長欲命卿為師於是親幸晉王第勅晉王以下皆拜之於帝前因賜名曰誕又以誕儒宗學府為當世所推乃拜國子祭酒

隋書楊汪字元度拜國子祭酒帝令百寮就學與之汪講論天下通儒碩學多萃焉論難鋒起皆不能屈帝令御史書其問蒼奏之省而大悅賜良馬一匹

又曰元善遷國子祭酒上嘗親臨釋奠命善講孝經於是敷陳義理兼之以諷諫上大悅曰聞江陽之說更起朕心

賁綃百疋衣一襲

唐書曰許後胤嘗侍太宗講後為睦州刺史因入朝乞骸骨太宗召問曰朕與卿刺史資以自養何謂即求致仕後胤對曰年老筋力不逮望得私第時見闕庭太宗曰卿氣力猶強欲何官也後胤陳謝不敢太宗曰朕昔從卿讀書卿今日從朕求官但言所欲不相違也時國子祭酒缺後胤奏言之因授國子祭酒

風俗通曰孫卿有秀才善為詩禮易春秋之齊襄王時而孫卿最老師三為祭酒

齊王融為王儉讓國子祭酒表曰竊以庠均義重據古所崇資師道尊有來攸尚匪曰蘭芷疇變入室之情不自朱

藍何遷素絲之質

司業 上空五

唐書曰韋叔夏遷成均司業久視年特下制曰吉凶禮儀國家所重司禮博士未甚詳明成均司業韋叔夏太子率更令祝欽明等博涉禮經多所該練委係參掌與弘典式自今司禮所脩儀注並委叔夏等州定訖然後進奏

又曰歸崇敬上言司業者義在禮記曰樂正司業正長也言樂官之長司主此業爾雅云大板謂之業按詩周頌設

業設虛崇牙樹羽則業是懸鍾磬之篋虛也今大學既不教樂於義則無所取請改司業一為右師一為右師位正四品上

博士

六典曰博士掌教文武官三品以上及國公子孫

應劭漢官儀曰博士秦官也博者通博古今士者辯於然

否孝武帝建元五年初置五經博士秩六百石太常差次

有聰明威重者一人為祭酒總領綱紀

漢舊儀曰武帝初置博士取學通行脩博識多藝曉古文

爾雅能屬文章者為之朝賀位次中都官吏稱先生不得

言君其弟子稱門人也

漢書曰賈誼文帝召為博士時年二十許最為少每詔命

議下諸老生未能言誼盡為之對人以各如其意所出

又曰常賢字長孺為人質朴少欲篤志於學兼通理尚書

以時教授時人號稱鄒魯大儒徵為博士

又曰公孫弘對策時百餘人太常奏第居下天子擢之對

為第一名入見容貌甚嚴拜為博士待詔金馬門也

又曰元鼎中徐偃為博士使行風俗偃制矯使膠東魯國

鼓鑄鹽鉄還奏事張湯刻偃矯制法死偃以為春秋之義

大夫出疆有可以安社稷利為人專之可也湯不能詰

東觀漢記曰甄宇拜博士每臆詔賜博士羊人一羊有大

小肥瘦時議欲殺羊分肉欲宇因取瘦者自是不復爭後

召會詔問瘦羊博士所在京師以為號

又曰歐陽歛其先和伯從伏生受尚博于歛七世皆為

博士敦於經學恭儉好禮

後漢書曰光武每朝會輒令桓榮於公卿前說經書帝稱善曰得生幾晚會博士缺帝欲用榮榮叩頭讓曰臣經術淺薄不如同門生郎中彭閔楊州從事皋弘帝曰俞往汝諧因拜榮為博士

又曰董鈞永平初為博士時草創五郊祭祀及宗廟禮樂

賦儀章服輒令鈞參議多見從用當世稱通儒

華嶠後漢書曰初欲立左氏傳博士叔也以為左氏淺末

不宜立陳元聞之乃詣闕上疏爭之更相辯對凡十餘上
帝卒立左氏學也

漢舊儀曰孝文皇帝時博士七十餘人朝服立端章甫冠

魏志曰樂祗字文載少好學黃初中徵拜博士于時太學

初立博士十餘人學多偏僻不敢親教備員而已唯文載

五葉並授

又曰文帝黃初五年太學置五經課試之法置春秋穀梁

博士

又曰明帝太和二年詔曰尊儒貴學王教之本也自頃儒

官或非其人將何以宣明聖道其高選博士才任中常侍

者

吳志詔曰古道者建國教學為先所以道世治性為養時器

也自建興已來時事多故吏民頗以目前趨務去本務末

不循古道夫所尚不淳則傷化敗俗其察古置學官立五

經博士核取應選加其寵祿科吏見之中及將吏子弟有志

學者各令就業一歲課試差其品第加以位賞使見之者樂其榮聞之者羨其譽以敦王化以隆風俗

晉令曰博士皆取履履行清淳通明典義若散騎中博書侍郎

太子中庶子以上乃得召試諸生有法度者及白衣試在高等第拜郎中

晉書載記曰姚泓受經於博士淳于岐岐病親詣省病拜于牀下自是公侯見師傳皆拜焉

後魏書曰崔逸字景携携好古博涉為國子博士每因公事晚常被詔獨進博士特命自逸始之

後周書曰盧辯字景宣為太學博士以大戴禮未有解詁辯乃注之其兄景裕為當時碩儒謂辯曰昔侍中注小戴

今爾注大戴庶纂前脩矣

隋書曰馬光開皇初高祖徵山東義學之士光與張仲讓

孔籠竇士榮張黑奴劉祖仁等俱至並授太學博士時人號為六儒

又曰馬光為太學博士嘗因釋奠高祖親幸國子學王公以下畢集光升座講禮啓發章門而已諸儒生以次論難

者十餘人皆當時碩學光剖析疑滯雖辭非後後辯而理義弘瞻論者莫測其淺深咸其推服上嘉而勞焉

又曰王頗授著作佐郎尋令於國子講授會高祖親臨釋奠國子祭酒元善講孝經頗與相論難詞義鋒起善往往

見屈高祖大奇之超授國子博士

又曰何安授太學博士帝初欲立五后以問儒者辛彥之對曰后與天子匹牀齊尊不宜有五安駁曰帝嘗四妃舜又二妃亦何常數由是封襄城縣伯

又曰房暉遠為國子博士會上令國子生通一經者並悉薦舉將擢用之既策問訖博士不能時定臧否祭酒元善恠問之暉遠曰江南河北義例不同博士不能遍涉學生皆持其所短稱已所長博士各自疑所以久而不決也祭酒因令暉遠考定之暉遠覽畢便下初無疑滯或有不服者暉遠問其所傳義疏輒為始末誦之然後出其所短自是無敢飾非者所試四百人數日便決諸儒莫不推其通博

魯國先賢傳曰漢文帝時聞申公為詩最精以為博士申

公為詩傳號曰魯詩

李邠別傳曰邠上書太后數陳忠言其辭雖不盡施用輒

有策詔褒贊焉博士著兩梁冠朝會宜隨士大夫例特賤

經學博士乃在市長下公奏以為非所以儒德明國體也

上善公言正月大朝引博士公府長史前

殷氏世傳曰殷亮建武中徵拜博士遷講學大夫諸儒論

勝者賜席亮席至八九帝嘉之曰學不當如是耶

與異曰公儀休者魯博士也為魯相無所變更百官自正

使食祿者不得與下民爭利

論衡曰王莽之時省五經章句博士弟子郭略夜定舊說

死於燭下

少府監上空五

六典曰少府監之職掌百工伎巧之政令總中尚左尚右尚職治掌治五署之官屬屬正其工徒謹其繕作少監監為之

漢官宰尹下曰少府言別為小藏故曰少府

漢書曰少府秦官掌山海池澤之稅以給供養

又曰歐陽地餘字長賓為少府誠其子我死官屬送汝財

物慎勿受汝九卿儒者子孫以廉潔著可以自成及卒少

府官屬送數百萬其子不受天子聞而嘉焉賜錢百萬

後漢書曰東平王蒼為驃騎正月朔朝蒼當入賀故事少

府給壁時陰就為少府貴傲不奉法漏將盡求壁不得蒼

掾朱暉遙見少府主簿持壁乃往給曰試請觀之既得而

馳奉之就復以他壁朝

張璠漢紀曰太常種拂與李儒戰而死子劭徵為少府鴻

臚皆不受曰我父盡忠於朝而為時所妬父以身殉國為

賊臣所害為臣子不能除賊何面目復覲明主三輔聞之

為之感動

應劭漢官儀曰少府掌山澤陂池之稅名田曰禁粲錢以給私

養自別為藏少者小也故稱少府

魏志曰王觀徙少府大將軍曹爽使材官張達斫屋材及

諸私用之物觀聞之皆錄奪以沒官少府統三尚方御府

藏珍玩之寶爽等奢放多有干求憚觀守法乃徒為太僕
又曰楊阜字義山為少府卿然以天下為己任
吳志曰先主遣少府徐詳至魏魏太祖謂詳曰孤此者若
越橫江之津與孫將軍遊姑蘇之臺獵長洲之苑吾志足
矣詳對曰大王欲奉至尊以合諸侯若越橫江而遊姑蘇
是踵亡秦而蹈夫差恐天下事去矣太祖曰徐生得吾逆
詐耶

臧榮緒晉書曰陳耽字國鎮過江為少府卿時大旱經久
大興四年四月始雨有司奏應報賽宗廟山川中宗詔曰
祈廟云報賽非奉尊上辭也吾意有疑耽以為舊山川有
許報故雨應賽非大事不應告廟予無要君親之道讀祭

稱賽於義有違從之

唐書官品志曰少府卿位視尚書左丞置材官將軍左中
尚方甄官平水中署南塘邸稅庫東西治平黃細作炭庫
紙官柴署等令丞

將作監 上卷五

六典曰將作大匠之職掌供邦國修建土木工匠之政總
四署三監百工之官屬以供其職事少匠貳焉

漢書曰將作少府秦官掌治宮室

范曄後漢書曰魏霸徵拜將作大匠明年和帝崩典作順
陵時盛冬地凍中使督促數罰掾吏以厲霸七撫循而已
初不切責而反勞之曰今諸卿被辱大匠過也吏皆懷恩

力作切倍

續漢書曰曹爽京字叔通遷將作大匠時有疾疫巡行病徒

自省醫藥糜弱死者減少

又百官志曰將作秩二千石掌作宮廟路寢宮室丞一人

六百石左右校令左右王徒掌木工之功并樹桐梓之類

列于道側

又曰李固字子堅遷大匠常推賢士孔融以將作大匠遷

少府也

華嶠後漢書曰應順字仲華為將作大匠發摘衆姦皆極

其刑豪猾之吏累迹視事五年省費以億萬

應劭漢官儀曰世祖中興以謁者領其官軍章建初元年

乃置其位次河南尹永元七年大匠應慎上言百郡計吏

觀國之光而舍逆旅崎嶇私館貢篚之物朽濕曝露皆晉

霸之盟主耳舍諸侯於隸人鄭子產以為大譏况今四海

之大而可無乎和帝嘉納之

魏志曰楊阜字義山為將作大匠明帝時初治宮室發美

女充後庭阜上疏欲省宮人諸不見幸者乃召御府吏問

後宮人數吏守舊令對曰禁密不得宣露阜怒杖吏一百

數之曰國家不與九卿為密反與小吏為密乎帝聞之而

愈警憚

晉書曰將作大匠陳勰掘地得古文尚書奏今文長於古

文宜以古為正潘岳以為習用已久不宜復改

唐書官品志曰大匠卿位視太僕掌土木之士統左右校諸署

汝南先賢傳曰應仲華遷大匠除藻飾之無用割有損之浮費凡所省息七億餘萬

前古堂

太平御覽卷第二百二十六

宋本校計九頁

太平御覽卷第二百三十七

職官部三十五

總叙將軍

上空二

左右衛將軍

諸衛附

將上空六

左右金吾衛將軍

上空一

諸衛上將軍

上空三

摠叙將軍

上空五

石氏中官占曰河鼓星主軍鼓一曰三星主天子三將軍中央大星為大將軍左星為左將軍右星為右將軍所以備闕梁而距難也

周禮夏官上大司馬曰凡制軍萬有二千五百人

民也凡

起役從王六軍

六鄉之數也

御始文數軍定武功其

大

國三軍

公侯之封也成國不

次國三軍

諸伯之

小國一軍

子男軍將皆命知之同視六事之人同於六卿之大夫春
一人為佐伯游長昔臣於習知氏以佐之非能賢也請從伯游使荀
遂以陵邊皆非周公之舊也

左傳襄二年曰晉蒐于綿上以治兵使士丐將中軍辭曰

偃將中軍士丐佐之使韓起將上軍辭以趙武
孝經左契曰將軍順虎銜珠大夫正海出魚

史記曰齊景公召穰苴與語大悅以為將軍將兵扞燕

又曰孝文後六年匈奴入上郡周亞夫為將軍居灞上祝

茲侯徐廣曰表作松軍棘門以備胡

漢書曰楚王召宋義計事而悅之因以為將軍

范曄後漢書曰靈帝時望氣者以為京師當有大兵兩宮

流血大將軍司馬許源說何進曰太公六韜有天子親於

兵事可以威壓四方詔進大發兵講武於平觀下起大壇

上建十二重五采華蓋高十丈壇東北有小壇復九重華

蓋高九丈引步兵騎士數萬人結營為陣天子親出臨住

大華蓋下進住小華蓋下禮畢帝躬擐甲上馬稱無上將

軍行陣三匝而還

魏志云太祖令曰司馬發將軍死綏魏書曰雖却也有角

尸子曰十萬之軍無將軍必亂

左右衛將軍諸衛將上空五

六典曰左右衛將軍之職掌統領官庭警衛之法令以

督其屬之隊仗而總諸曹之職務焉其左右驍衛左右武

衛左右威衛左右領軍衛將軍所掌之職皆如之
晉書曰羊琇為晉臺左衛將軍

又曰吳隱之遷左衛將軍雖居清顯顯祿賜皆班親族冬月無被管澣衣乃披絮勤苦同於貧庶

何法盛晉中興書曰南頓王宗字延祖拜左衛將軍為肅祖所昵委以禁旅

又曰王坦之字文度領左衛少有風格尚刑名之學嘗著廢莊論

又曰虞譚陳畧曹毗毛安之並為左衛將軍
沈約宋書曰左右衛將軍晉文建國所置

隋書曰薛世雄性廉謹凡所行軍破敵之處秋毫無犯帝

由是嘉之帝嘗從容謂群臣曰我欲舉好人未知諸軍識

否群臣或曰臣等何能測聖心帝曰我欲舉者薛世雄群臣皆稱善帝復曰世雄廉正節槩有古人之風於是超拜

右翊衛將軍煬帝改左右衛為之

唐書曰元和中以前靈鹽等節度使王祕為右衛將軍祕

在鎮無智畧以馭下以居常猜忌及多殺人以懼之衆益不附乃召至踰月而授以衛將軍凡將相出入皆翰林草制謂之曰麻祕始以責罷中書草制

隨書曰來護而兒煬帝即位遷右驍衛大將軍帝甚親重之大業六年從駕江都賜物千段令上先人塚宴父老州

里榮之

魏志曰許從太祖戰大破馬豈等乃遷武衛中郎將武衛之號自此始也文帝踐作遷武衛將軍

又曰曹爽自散騎常侍轉武衛將軍爽秉政又以弟訓爲武衛將軍

王敦別傳曰敦子應字安期官至武衛將軍

隨書曰獨孤盛爲左屯衛將軍字文化及之作亂也裴虔

通引兵至成象殿宿衛者皆釋伏而走盛謂慶通曰何物

兵形勢太異也處通曰事勢已然不預軍事慎無動盛大

罵曰老賊是何物語不及披甲與左右十餘人逆拒之爲

亂兵所殺

唐書曰或通中以伶官李可及爲威衛將軍曹確執奏曰

臣覽貞觀故事太宗初定官品令文武官共六百四十三

員顧謂房玄齡曰朕設此官員以待賢士工商雜色之流

假令術踰儕類止可厚給財物必不可超授官秩與朝賢

君子比肩而立同坐而食太和中文宗欲以樂官尉遲璋

爲王府率遺寶直極諫乃改授光州長史伏乞以兩

朝故事別授可及之官帝不之聽

又曰高祖以李粲爲左監門大將軍禮高年也初高祖問

粲年幾對曰八十高祖曰公清幹之譽聞於隋曰今年齒

雖邁筋力未衰但監門之職非公莫可意欲相委如何粲

以年老辭讓高祖曰籍公處分耳豈欲煩公筋力耶於是

詔粲自非殿庭皆乘蜀馬論者榮之

二人隋置左右武侯府大將軍一人將軍三人掌車駕出

入先駢後殿晝夜巡察執捕姦非烽候道路水草所宜巡

狩田師則掌其營禁煬帝大業三年改為左右武侯衛所

掌軍事名攸飛漢官表曰漢有左戈令武帝太初元年更名攸飛掌射屬少府光武省之隋氏

舊名唐初又為左右武侯府貞觀十年十二月馬周奏京城諸衛置鼓罷傳呼

龍朔二年改為左右金吾衛置大將二人人所掌與隋同

將軍二人副其事領官屬並隋置大唐因之

後漢書曰初光武適新野聞陰后美心悅之後至長安見

執金吾車騎甚盛因歎曰仕官當作執金吾娶妻當得陰

麗華

漢官宰尹下曰吾禦也常執金革以禦非常緹騎二百人

五百二十人輿馬導從充滿放路世祖微時歎曰仕宦當

作執金吾是也

漢書百官公卿表曰秦名曰中尉掌徼循京師有兩丞侯

司馬千兵人武帝太初元年更名執金吾

又曰毋將隆為執金吾侍中董賢方貴上使中黃門發武

庫兵前後十輩送賢及上乳母王阿金隆奏武庫兵器天

下公用國家武備繕治造作皆度大司農錢蘇林曰用度皆出大司農

大司農錢自非乘輿不以給供養勞賜一出少府蓋不以

本職給未用不以民力供浮費別公私示正路也

又曰郅都為中尉丞相條候至貴倨也而都揖丞相是時

民樸畏罪自重而都獨先嚴酷行法不避貴戚列侯宗室

見都側目而視號曰蒼鷹也

東觀漢記曰馬防字孝孫拜執金吾性矜嚴公正上事處

議多見用

續漢書曰陰識拜執金吾位特進入則極言正諫至與賓

客語不及國事常慕仲山甫匪躬之節所用掾史皆得天

下俊哲虞翔傳賢等是也

又曰朱浮字叔元為執金吾帝以二千石長吏不堪任時

有纖微之過者必見斥罷交易紛擾百姓不寧六年有日

蝕之異浮因而疏切諫自是州郡奏長吏二千石不任位

者事皆先下三公遣掾史案然後黜退

又曰秩中二千石掌外司非常水火之事且三繞行宮外

又主兵器丞一人比千石

華嶠後漢書曰賈復為執金吾更始歐王尹尊及諸將友

上召諸將議以檄叩地曰歐最強宛之復率尔對曰之臣

請繫歐上笑曰執金吾繫歐吾復何憂耶

又曰耿秉為人威重有謀畧拜執金吾每行幸秉恒領宿

衛

謝承後漢書曰梁冀執金吾歲朝託疾不朝司隸楊雄治

之詔以二月俸贖罪

漢雜事曰辛慶忌明畧武重任國柱石為執金吾

魏書曰臧霸與曹休討吳破賊呂範於洞浦徵為執金吾

每有軍事帝咨訪焉

又曰崔琰遷中尉琰聲姿高暢眉目踈朗鬚長四尺七寸有威重朝士瞻望太祖亦嚴憚焉

又曰徐奔太祖以為中尉手令曰昔楚有子王文公為之側席汲黯在朝淮陽為之折謀詩稱邦之司直君之謂也

唐書曰高祖以徐世勳為右武侯大將軍隋大業三年及唐初並為左右

武侯至龍翔二年復為左右金吾詔曰念功褒善哲王彝訓紀德親賢有

國通典黎州總管同國公世勳本自黎陽擁徒歸順任以

藩岳誠効克彰節義不渝夷險無變信同金石操擬松筠

宜加寵命用超桓序可賜姓李氏

又曰趙道興真觀初歷遷左武侯中郎將明閑宿衛號為

稱職太祖嘗謂之曰卿父為隋武侯將軍甚有當官之譽

卿今克傳弓冶可謂不墜家聲因授右武侯將軍其父時

解字仍舊不改時人以為榮

又曰裴諝為右金吾將軍建中初上以刑名理天下百吏

震悚時十月禁屠以甫近山陵禁益嚴尚父汾陽王郭子

儀隸人殺羊以門者覺之諝列奏狀上以為不畏強禦累

遣宣喻或謂諝曰郭公有社稷功豈不為蓋之諝笑曰非

尔所解且郭公威儀權太盛上新即位必謂黨附者衆今

發其細過以明不弄權耳吾上以盡事君之道下以安大

臣不亦可乎

又曰臧希讓為金吾大將軍骯髒好談時政屢以理體上

干公卿詔令集賢院待制希讓無學術及處近地從容公

太平御覽

卿問強引文言以自賢而所聞知多道途河之發心得差謬
頗為士子所笑

諸衛上將軍 上三品

唐通典曰魏黃中初始有上大將軍以曹真為之吳亦以
陸遜為上大將軍後周建德四年增置上大將軍隋並以
為武散官不理事上大將軍從二品

又曰唐武德初秦王既平王世充及竇建德高祖以秦王
功殊古今自昔位號不足以為稱乃特置天策上將軍以
拜焉位在王公上

又曰貞元二年九月詔曰六軍先已各置統軍一人今十
六衛宜各置上將軍一人秩從其品繇是上將軍之官始

列於品位

太平御覽卷第二百二十七

太平御覽卷第二百二十七

太平御覽卷第二百三十八

職官部三十六

大將軍附察屬

車騎將軍上三

驃騎將軍上三

驍騎將軍

衛將軍上三

前將軍上四

後將軍

左將軍上三

右將軍上四

大將軍上五

史記曰武帝伐匈奴以衛青為大將軍位在諸公上公卿
晉拜唯汲黯獨揖有言大將軍尊貴不宜尔黯曰大將軍
有揖客獨不貴耶青聞之愈重黯

漢書曰武帝以霍光為大將軍輔昭帝田千秋為丞相及
昭帝初即位未任聽政事一決大將軍光千秋居相位謹

厚有重名光謂千秋曰始興君俱受先帝遺詔令之光治
內君侯治外宜有以教督使光無負天下千秋曰唯將軍
留意即天下幸甚終不有所言

後漢書曰竇憲為大將軍威震天下復出屯武威會帝西
祠園陵詔憲與車駕會長安及憲至尚書以下議欲拜之
伐稱萬歲韓稜正色曰夫上交不誦下交不瀆禮無為人
臣稱萬歲之制議者皆惡而止

又曰詔鄧騭班師朝廷以太后故遣五官中郎將迎拜騭
為大將軍到河南使大鴻臚親迎中常侍賫牛酒効勞王
主以下侯望於道即至大會群臣賜束帛焉

應劭漢官儀曰和帝以豆憲為大將軍乃冠三公

又曰梁冀為大將軍以三世姻媾授立之功公卿希有五
此同霍舉高第茂才官屬皆倍餘府

魏志曰文帝以孫權為大將軍吳王加九錫

又曰太傅司馬宣王奏免曹爽皇太后詔召高文惠假節
行大將軍事據爽營太傅謂之曰君為周勃矣

後魏書曰莫題有謀策為大將軍平慕容麟賜爵東宛侯
後太祖欲廣宮宇規度平城四方數十里將摸鄴洛長安
之制運材數百萬以題機巧令監定焉

陳思王輔臣論曰知慮深奧淵然難測恭以奉土愛以接
下納言左右為帝喉舌曹大將軍也

大將軍僚屬

魏志曰王謙為大將軍何進長史進以謙名公之胄欲與為婚見其子使擇焉謙弗許以疾免

臧榮緒晉書曰魯芝字世英耽思墳籍研精稽古自三代之奧典聖人之微言皆該覽焉大將軍曹爽輔政高選賢明以為官屬延芝為司馬

續漢書曰李固字子堅拜議郎為洛陽令大將軍梁冀請為從事中郎

晉書曰鄭冲字文和以儒雅為業簞食瓢飲布衾緼袍不以為憂大將軍曹爽以為從事中郎

又曰李喜景帝輔政命喜為大將軍從事中郎喜引到見謂喜曰昔先公辟君而不應今孤命君而至何也對曰先

公以禮見待喜得以禮進退明公以法見繩喜畏之而至帝甚重之

何法盛晉中興書曰郭舒大將軍王敦以為從事中郎會

郭討劉隗切諫敦大怒曰人中間言卿癡故多卿眉頭今

疾復耶勿復語也舒曰明公聽舒一言舒聞古之狂也直

周昌汲黯朱云皆不癡也昔堯立誹謗之木舜懸敢諫之

鼓公為勝堯舜耶而乃折舒使不得言敦默然也

竹林七賢傳曰阮籍字嗣宗為太傅司馬宣王參軍遷景

王大將軍從事中郎

通典曰從事中郎漢末官也陳陽為大將軍王鳳從事中

郎是也在主簿上所掌與長史同

華嶠後漢書曰崔駰字亭伯辟大將軍竇憲府掾憲新輔政貴重掾三十人皆故刺史二千石唯駰以處士年少擢在其間憲擅權驕恣駰數諫之出爲長岑長不得意不之官而歸

華嶠後漢書曰馬融字季長爲大將軍鄧騭舍人

晉陽秋曰義興周延爲率轉尚書遷大將軍諮議參軍

車騎將軍

漢書曰元光年以中尉程不識爲車騎將軍屯鴈門

應劭漢官儀曰帝以元舅馬防爲車騎將軍銀印青綬

吳志曰孫一奔魏以一爲車騎將軍儀同三司封吳侯以

故王芳貴人刑氏妻之刑美色妬忌下不堪命遂共殺一

及刑氏

蜀志曰鄧芝字伯苗義陽新野人益州從事張裕相芝往

從芝謂芝曰君年過七十位至大將軍封侯爲車騎將軍

賞罰明善卹卒伍身之衣食資仰於官不苟素儉然終不

治私產妻子不免飢寒死之田家無餘財

後魏書曰王衍字文舒出爲散騎常侍出爲征東將軍西

兗州刺史衍屈治未幾屬尔朱仲遠稱兵內向州旣路衝

爲其攻逼衍不能守爲仲遠所擒以其名望不害也令騎

牛從車又乃見釋還洛陽車騎將軍

隋書曰長孫覽周武帝在藩與覽親善及即位弥加禮焉

超拜車騎大將軍每公卿上奏必令省讀覽有曰辨声氣

雄壯凡所宣傳百僚屬目帝每嘉歎之覽初名善帝謂之曰朕以萬機委卿先覽遂賜名焉

驃騎將軍

上卷五

漢書曰武帝以霍去病為嫖姚校尉征匈奴累有功寵冠群臣置驃騎將軍秩與大將軍同

又曰明帝即位以東平王蒼為驃騎輔政開東閣延英雄及蒼歸國有驃騎時吏丁牧周相以蒼敬賢下士不忍去之遂為王家大夫數十年事祖及孫帝聞褒美

又曰驃騎將軍漢官曰長史司馬各一人金璋紫綬五時朝服武冠佩山玄玉光武中興諸將皆稱太後天下既定武官悉省

東觀漢記明帝詔曰東平王蒼寬博有謀可以託六尺之孤臨大節而不可奪其名以蒼為驃騎將軍

又曰張意拜驃騎將軍討東甌備水戰之具一戰大破所向無前

又曰其將軍不常置此公者父有驃騎將軍建武二十年復置驃騎將軍位次公有長史一人

後置書曰劉隆為驃騎將軍行大司馬事隆奉法自守視事八歲上將軍印綬罷賜養牛上樽酒十斛

應劭漢官儀曰漢與置驃騎將軍次相

隋書曰崔彭轉驃騎將軍宿衛性謹密在省闈二十餘年每當上在使危坐終日未嘗有怠惰之容上甚嘉之上每

謂彭曰卿當上田我寢處自安又嘗曰卿弓馬固以絕人頗知學不彭曰臣少愛周禮尚書每於休沐之暇不敢廢也上曰試爲我言之彭因說君臣戒慎之義上稱善

韋昭辨釋明曰驃騎將軍軍秩比三公辨云此二將軍秩本二千石

世說曰何驃騎帝第五以高情遜避而驃騎令仕對曰然第五之稱何必減之驃騎

陳思王輔臣論曰魁傑雄特秉心平直威嚴足憚風日草靡戎昭與毅折衝屢難者司馬驃騎

梁簡文帝讓驃騎楊州刺史表曰常願侯服就列希同特進之班角巾還帝不競龍讓之貴而天澤無涯名器總集

竊以驃騎之官既爲上將神州之重實號上中故以彈壓六戎冠冕九牧豈止司隸絳節金吾緹騎况復任摠皇畿位重連率何則驃騎之號歷選爲重元狩之中始自去病永平之建特授劉蒼齊獻爲公主所申吾漢因群臣之舉

驃騎將軍 上卷五

漢書曰李廣爲驃騎將軍後出鴈門擊匈奴匈奴生得廣比時傷陽死睨傍胡兒善馬漸騰而上南馳得脫廣亡失多當斬贖爲庶人

東觀漢記曰光武以劉桓爲驃騎將軍攻中山

又曰建武九年以劉喜爲驃騎將軍攻涿郡

華嶠後漢書曰馬成字軍遷拜驃騎將軍北屯常山積數

年上以其勤勞徵歸京師邊民多上書請之上復以成鎮撫之

魏志曰任城威王彰字子文性勇而鬢黃為驍騎將軍北出塞為寇所要彰獨與麾下數百騎突虜王聞之曰我黃鬢兒定可用也

又曰董卓立獻帝表太祖為驍騎將軍與計事太祖乃變姓名間行東歸

齊書曰江敷為侍中轉都官尚書領驍騎將軍王晏啓武帝曰江敷今重登禮閣兼寄六軍慈渥所覃實有優忝但語其事在殆同閑輦天旨既欲升其名位愚謂以侍中領驍騎望實清顯有殊納言上曰敷常啓吾為其鼻中惡令

既以何胤王瑩還門下故有此迴換耳

衛將軍

漢書曰文帝至渭橋群臣奉天子法駕迎代即皇帝即日夕入未央宮夜拜宋昌為衛將軍領南北軍

又曰文帝三年遣灌嬰擊匈奴發中尉材官兵屬衛將軍長安

晉書曰虞潛字與也為衛將軍貌如不武內實堅明

前將軍

漢書曰前後左右將軍皆周末官秦國之位亞上卿金印

紫綬

又曰武帝征西夷有前後左右將軍宣元以後雜錯更置

或為前或為後或為左或為右雖不出征猶有其官在諸卿上為國爪牙所以揚示威靈於四遠折衝萬人如虎如

又曰左右前後將軍皆周官也秦官因置以征四夷後雖不征伐其官常存

又曰傳喜為右將軍傳太后與政喜數諫后不悅上印綬病在家上疏固請乃拜前將軍

又曰張遼字文遠鴈門馬邑人也聶一之後以避寃變姓少為郡吏或力過人文帝即位轉前將軍又黃初二年遼至洛陽宮文帝引遼會建始殿親問破吳意狀帝歎息顧左右曰此亦古之郡虎也

蜀志曰先主為漢中王遣賈詩拜關羽為前將軍羽聞黃忠為後將軍怒曰大校終不與老兵同列不肯拜受詩謂羽曰夫立王業者所用非一昔蕭曹與高祖少小親舊而陳韓亡命後至論在班列韓最居上未聞蕭曹以為怒也今漢王以侯之功隆崇於漢叔然意之輕重兩寧當與君侯齊乎王與君聲猶一體同休等戚禍福共之愚謂君侯不宜計官號之高下爵位之崇卑也僕一介之士衝命之臣君侯不受拜如是便還但相謂惜此舉動恐有後悔羽大感悟即拜受漢叔黃忠是也

後魏書曰谷楷昌黎人濮陽渾曾孫也稱有幹局遷前軍將軍楷眇一目而性甚嚴忍時人號為瞎虎

後將軍 上卷五

漢書曰趙充國為後將西羌反上使御史大夫郗吉問誰可將者充國時年已七十餘對曰無踰於老臣者矣遣問焉曰將軍度羌虜何如當用幾人充國曰百聞不如一見兵難踰度也踰遠臣願馳至金城圖上方畧然羌戎小夷逆天背叛滅亡不义願陛下以屬老臣勿以為憂

東觀漢記曰郅彤字瑋君信都人也為曲陽卒正更始即位上以大司馬平河北至曲陽彤舉城降後為大將軍

魏志曰曹洪為文帝所廢明帝即位拜後將軍

蜀志曰黃忠字漢叔先主為漢中王欲用忠為後將軍諸葛亮說先主曰黃忠之名望素非關馬之倫而今使令同刻

馬張在近親見其功尚可喻指關羽遙聞之恐必不悅得無不可乎先主曰占當解之遂與羽等同位賜爵關內侯

晉中興書曰應詹字思遠太興三年為後軍將軍

晉起居注曰太始八年置後軍將軍掌宿衛

左將軍 上卷五

漢書曰公孫賀封南宮音考以左將軍出定襄無功失侯

又曰辛慶忌字子真為左將軍為國虎臣匈奴西城親附敬其威信

東觀漢記曰賈復字告文治尚書事舞陰李生李生奇之請門人曰賈生容貌志意如是而勤於學此將相之器澠

請洛陽拜左將軍南擊赤眉新城轉西入關擊盆子於澗池破之

魏志曰文帝即位以李邵為左將軍詔邵與曹真討安定盧水胡及東羌

晉書曰官名臣曰王濟字武子起家中書郎遷左軍將軍山濤啓事曰左將軍裴楷通理有才義

右將軍 上空五

漢書曰常惠以明習外內事勤勞數有功為右將軍

又曰何武薦辛慶忌宜在爪牙乃拜為右將軍

魏志曰徐晃字公明為右將軍性儉約畏慎為將常遠斥俟歎曰古人患不遭明君今我遇之當以功自効

蜀志曰諸葛亮上疏曰臣以弱才叨竊非據親秉旄鉞以厲三軍不能訓章明法臨事而懼至有街亭違命之闕令箕谷不戒之失咎皆在臣授任無方臣明不知人臨事多闇春秋責師臣職是當請自貶三等以督厥咎於是以亮為右將軍行丞相事所總制如前

何法盛晉中興書曰郭默為右軍將軍默既遠人樂為邊將不願內轉謂劉胤曰我能衛胡而不用更用虛名者且右軍主禁兵禁兵不妄出有急方便配給兵將無素是謂棄之安得不亂

又曰王羲之字逸少導之從子也幼訥於言人未之知年十三嘗見周顛異之時軍牛心炙座客未啖先割啖之羲

太平御覽卷第二百三十八
之於是聞名及長充善草隸書為今古冠絕累遷為右將軍不樂京師遂往會稽與謝安孫綽等遊越山陰有道士養群鵝羲之意甚悅道士云為寫黃庭經當舉群相贈乃為寫訖籠鵝而去

太平御覽卷第二百三十八

宋本校計九頁

太平御覽卷第二百二十九

職官部二十七

四征將軍

上卷三

征東將軍

上卷三

征西將軍

上卷二

征南將軍

上卷三

征北將軍

上卷三

四鎮將軍

上卷三

鎮東將軍

上卷三

鎮西將軍

上卷二

鎮南將軍

上卷三

鎮北將軍

上卷三

四安將軍

上卷三

安東將軍

上卷三

安西將軍

上卷三

安南將軍

上卷三

安北將軍

上卷三

四平將軍 上空三

平東將軍 上空二

平西將軍 上空二

平南將軍 上空三

平北將軍 上空二

雜號將軍上 上空三

鎮軍將軍 上空二

撫軍將軍 上空二

征虜將軍 上空二

冠軍將軍 上空二

輔國將軍 上空二

領軍將軍 上空三

護軍將軍 上空二

中軍將軍 上空二

游擊軍將 上空二

積射將軍 上空二

積弩將軍 上空二

強弩將軍 上空二

殿中將軍 上空二

員外將軍 上空二

直閣將軍 上空三

征東將軍 上空五

魏志曰張遼字文遠為征東將軍征孫權被甲戰先陷陣

衝壘入至權麾下

又曰滿寵字伯寧為征東將軍詔曰君典在外專心憂公

賜田十頃穀五百斛錢二十萬以明清忠儉約之節

晉書王渾平吳轉征東大將軍復鎮壽陽渾不尚刑名處

斷明允時吳人新附頗懷畏懼渾撫循羈旅虛懷緩納座

無空門席不停宿於是江東之士莫不悅附

征西將軍 上空五

東觀漢記曰馮異為征西將軍入關征赤眉

又曰耿秉為征西將軍嶺撫單于及夢南單于舉國發喪

犁面流血

魏志曰夏侯淵字妙才為征西將軍守漢中

後魏書曰陸貞代人也少善騎射數從征伐所在摧鋒陷陣前後以功為征西將軍

征南將軍 上五

魏曰志夏侯尚字仁伯淵從子也文帝與之親友太祖定冀州尚軍為司馬常從征討遷征南將軍

又曰曹仁為征南將軍馮陵侯彰北征烏丸文帝在東宮為書戒彰曰為將奉法不當如征耶

晉書曰羊祜為征南將軍寢疾求入朝既至洛陽會景獻梓宮在殯哀慟至篤中詔申論扶疾引見命乘輦入殿無

下拜甚見優禮

後魏書曰司馬景之字洪畧晉汝南王亮之後太宗時歸

封蒼梧公加征南大將軍

征北將軍 上五

魏志曰杜恕為幽州刺史時征將軍程嘉屯前尚書表徭等戒恕曰程申伯今俱杖節共屯一城宜深有以禮之沈約宋書曰衡陽王義季為征北將軍徐州刺史

鎮東將軍 上五

魏志曰臧霸字宣高太山華陰人也亡命東海以壯勇聞太祖募索得霸見有悅之以為琅琊相文帝即位遷鎮東

將軍

鎮西軍將 上五

魏志曰賈真字子丹文帝即位以真為鎮西將軍

蜀志曰馬超父騰靈帝未與邊章韓遂等俱起居事於西州初平三年遂騰率衆詣長安漢朝以遂爲鎮西將軍遣還金城騰爲征西將軍屯郿

鎮南將軍

上堂五

蜀志曰黃權字公衡伐吳敗於白帝既附魏文帝曰君捨逆順欲追蹤陳韓耶權曰臣降吳不可歸蜀無路是以歸命敗軍之將死免焉幸何古人之可慕帝善之拜鎮南將軍

吳志曰呂岱既定交州進討九真斬獲萬數又遣從事南國宣化及徼外扶南外邑堂明諸王各遣使奉貢權嘉其功進拜南將軍

晉書曰杜預爲鎮南將軍繕兵甲耀威武乃簡精銳襲吳西陵督張政大破之以功增封三百六十五戶政吳之名將也據要害之地耻以無備取敗不以所喪之實告于孫皓預敢間吳邊將乃表退所獲之衆於皓皓果召政遣武昌監劉憲代之故大軍臨至使其將帥移易以成傾蕩之勢預處今既定乃啓請伐吳之期

鎮北將軍

魏氏春秋曰許元字士宗爲鎮北將軍都督河北諸軍事蜀志魏延字文長先主大會群臣問延曰今委卿以重任

太平御覽 卷一百一十九
卿居之欲云何延對曰若曹操舉天下而來請為大王鉅
之偏將十萬之衆至請為大王吞之先主稱善衆咸壯其
言先主踐尊號進拜征北將軍

晉書曰何曾為鎮北將軍文帝使武帝齊王攸送之帝又
過其子曾先勅劭曰客必過汝汝當預嚴劭不冠帶停帝
良久曾深以為譴劭曾見崇重如此

安東將軍

上卷五五

王隱晉書曰武帝伐吳以王渾為安東將軍

晉公卿禮秩曰世祖以扶風王駿為安東大將軍

安西將軍

上卷五五

魏志曰曹仁字子孝太祖從弟也少好弓馬弋獵俊豪並

起仁亦陰結少年周遊淮泗之間遂從太祖為別部司馬
太祖討馬超以仁行安西將軍

安南將軍

上卷五五

謝承後漢書曰光武以岑彭為安南將軍

安北將軍

上卷五五

沈約宋書曰劉秀之東莞莒人少賦貧有志操為安北將
軍雍州刺史上車馬幸新亭視秀之發引

平東軍將

上卷五五

王隱晉書曰武帝伐吳以王濬為平東軍將

平西軍將

上卷五五

蜀志曰馬超聞先主圍劉璋於成都密書請降先主遣人

迎超日將兵徑到城下城中震怖璋即稽首以超為平西將軍

沈約宋書曰臨川王義慶為平西將軍

平南將軍 上卷五

王隱晉書武帝伐吳以胡奮為平南將軍

平北將軍 上卷五

魏志曰太祖征冀州張燕求佐軍拜平北將軍

雜號將軍上 上卷一

鎮軍將軍 上卷五

魏志曰黃初七年魏文以陳群為鎮軍大將軍錄尚書事受顧命

又曰甘露元年以石苞為鎮軍將軍

沈約宋書曰齊王攸為鎮軍驃騎上後復舊

撫軍將軍 上卷五

魏志曰黃初四年以司馬宣王為撫軍大將軍刺政

又曰齊王嘉平三年以司馬景王為撫軍大將軍輔政

語林曰簡文為撫軍時坐牀上生塵不聽左右拂去見鼠行跡視以為嘉有叅軍見鼠以手板格煞之撫軍謂曰無乃不可乎

征虜將軍 上卷五

東觀漢記曰祭遵為征虜將軍廉潔奉公光武漢曰安得憂國奉公如祭征虜者乎

魏志曰太祖以濳侯植為征虜將軍遣救曹仁呼之有所勅而植醉於是罷之

又曰南陽周太妤立功善用兵以為征虜將軍

沈約宋書曰征虜將軍世號金紫將軍

冠軍將軍 上卷五

史記曰楚義帝以宋義卿子冠軍

漢書曰武帝以霍去病征匈奴功冠三軍封冠軍侯

魏志曰正始中以文欽為冠軍將軍揚州刺史

晉起居注曰武帝泰始七年詔曰議郎胡奮開爽忠亮有

文武才幹歷末外內涉練戎事威略之聲著於外其以奮

為冠軍將軍

齊書曰劉悛嘗從駕登蔣山上數歎曰貧賤之夫不可忘

糟糠之妾不下堂顧謂曰此况卿也世言富貴好改之其

素情吾雖有四海今日與卿盡布衣之適悛起拜謝遷冠

軍將軍

晉書載記曰符堅冠晉以姚萇為龍驤將軍督益梁州諸

軍事謂萇曰朕本以龍驤建業龍驤之號未曾假人今特

以相授山南之事一以委卿堅右將賈衡進曰王者無戲

言此將不祥之徵也惟陛下察之堅默然

車頻秦書曰符堅與符健西入關堅時年十二未有軍號

健夢有天神遣使者朱衣武冠拜堅為龍驤將軍後加此

官以應神夢

羊祜別傳曰先時吳童謠云阿童復阿童銜刀浮渡江不畏岸上虎但未水中龍祜聞之曰此必水軍有功即表出濬為龍驤將軍謀伐吳

輔國將軍 上堂五

晉書王導為輔國將軍導故歲曰昔魏達達政之主也荀文若功臣之最也封不過亭侯倉舒愛子之寵贈不過別部司馬以此格萬物得不局跡乎今者臨郡不問賢愚蒙賤皆加重號輒有鼓蓋時有不得者或為恥辱天官混雜朝望頹毀導忝荷重任不能崇浚山海而開創亂源饕餮名位取索弊典謹送鼓蓋崇之物請從導始庶令雅俗區別郡望無感

王隱晉書曰王濬為輔國將軍

又曰羊祜以輔國將軍開府儀同

領軍將軍 上堂五

魏志曰文帝即位拜曹休為領軍將軍

晉書曰紀瞻轉領軍將軍當時服其嚴毅雖恒疾病六軍敬憚之瞻以久病請去官不聽復加散騎常待及王敦之逆帝使謂瞻曰卿雖病但為朕卧護六軍所益多矣晉陽秋曰韓伯年四十九拜領軍疾病占候者云不之宜此官固請徙之

何法盛晉中興書曰陶固拜領軍將軍加散騎常侍性方範不畏強禦丹陽尹桓景頗以佞事司徒王道導甚睡之

太平御覽 卷三十一
回常慷慨謂景非正人不宜親狎會熒惑守有斗經旬王
公語回曰南斗楊州分而熒符惑之吾當遜位以厭此譴
回荅曰公以明德作鎮輔弼聖主當親忠貞遠邪佞與恒
景造滕熒惑何由退舍深愧之

梁書曰魯明祐拜領軍將軍厚自封植以所加鼓吹恒置
齋中對之曰娛人曰此是羽儀公名望隆重不宜若此荅
曰我性愛之恒須見耳或出遊亦以自隨士人笑之

唐書曰貞元十一年以前太子賓客李愿為左領軍大將
軍李憑為右威衛大將軍依前蕪中丞皆太尉晟之子以
免喪故晟諸子同日授官者凡九人

護軍將軍

王隱晉書曰王敦將復作逆明帝問曰何如應詹厲然據
慨荅詔曰陛下宜奮赫斯之威臣等當負戈從戎以順討
逆誠社稷之計也即以詹為護軍將軍同心滅敦

中軍將軍

漢書曰馮奉世字子明元帝以為中軍屯首陽
魏志曰曹真持節督中外諸軍事中軍將軍受顧命
王隱晉書曰太始元年以羊祜為中軍將軍惣宿衛

游擊將軍

史記曰漢高祖以陳豨為游擊將軍
漢書曰太祖初元年以蘇建韓說為游擊將軍
袁宏漢紀曰建武二年以鄧隆為游擊將軍助朱浮攻彭寵

魏志曰卞闌少有才學為游擊將軍加散騎常侍
山濤啓事曰游擊將軍諸葛冲精果有文武擬補兗州詔
荅曰冲領兵未欲出之

積射將軍

後周書曰于謹除積射將軍又隨廣陽王元深征鮮于脩
禮停軍中山侍中元晏言於靈太后曰廣陽王以宗室之
重受律專征今乃盤桓不進坐圖非望又有于謹者智略
過人為其謀主風塵之際恐非陛下純臣矣靈太后詔於
尚書省門外立榜募能護謹者許重賞謹聞之乃謂廣陽
王曰今女主臨朝取信讒佞脫不明白殿下素心便恐禍

至謹請束身請闕歸罪有司披露心腸深遂許之謹遂到
榜下曰吾此知人衆共詰之謹曰我即是也有司以聞靈
后后見之大怒謹備述廣陽忠款兼陳停軍之狀靈后意
解捨之。

世語曰積射將軍樊震對武帝稱鄧艾之忠

積弩將軍

沈約宋書曰積弩將軍晉官也

齊職儀曰積弩將軍品第四銀章青綬武冠絳朝服佩水

蒼玉

積弩積射

晉太康十年立稽等利則營各二千五百人並以將軍領
之

強弩將軍

漢書曰元狩元年以李沮為強弩將軍伐匈奴

又曰太初二年以路博德為強弩將軍

又曰神雀二年以許延壽為強弩將軍遷大司馬

傳暢晉讚曰晉文王晉臺置強弩將軍掌宿衛

殿中將軍

玄中記曰漢桓帝時出遊河上忽有一青牛從河中出直

走盪桓帝邊人皆走太尉何公為殿中將軍有勇力輒走

逆之牛見公往乃反走還河未下河公及牛乃以手拔牛

左足脫以右手持斧斫牛頭殺之此青牛者是萬年木精

也

語林曰庾公以伐王公先書與和公曰老賤賊轉欲斬張

殿中將軍舊用才學士以廣視听而頃悉內面牆人是欲

蔽主之明便欲勒數州之衆以除君側之惡今年之舉筴

不齊矣

負外將軍

後魏官氏志曰負外將軍從第八品

直閣將軍

後魏書曰楊曄字延季弘農華陰人也性雅厚頗有文學

起家奉朝請稍遷直閣將軍

蕭子顯齊書曰王敬則晉陵南沙人也生而紫袍年長血

腋生下乳各長數寸夢騎五色獅子明帝即位為直閣將

軍

齊書曰劉善明為直閣將軍五年青州沒盧善明母陷北虜移置乘乾善明布衣蔬食哀感如持喪明帝每見為之歎息時人稱之

太平御覽卷第二百三十九

宋本校計九頁

前考空行

太平御覽卷第二百四十

職官部三十八

雜號將軍下

建成將軍

奮威將軍

奮武將軍

振威將軍

揚威將軍

建武將軍

輕車將軍

伏波將軍

材官將軍

折衝將軍

虎威將軍

偏將軍

裨將軍

虎牙將軍

漢臣將軍

討虜將軍

破虜將軍

建義將軍

刺姦將軍

輔威將軍

揚化將軍

安漢將軍

輔漢將軍

都護將軍

立義將軍

上三

中堅將軍

上三

厲威將軍

上三

盪寇將軍

討逆將軍

輔吳將軍

盪威將軍

鷹揚將軍

牙門將軍

中將軍

中領軍

上三

中護軍

上三

北軍中候

朱衣直閣

直寢

直後

直齋

上四

監軍

上四

建威將軍

東觀漢記曰光武以耿弇為建武大將軍從征維陽

奮威將軍

魏志曰呂布殺董卓王允以布為奮威大將軍儀同三司

又曰蒯拔說袁紹即表為奮威將軍

奮武將軍

吳志曰賀齊傳豫章東部民彭才李玉王海等起為賊亂

眾萬餘人齊討平之誅其首惡餘各降服揀其精健為兵

次為縣戶遷奮武將軍

振威將軍

魏志曰太祖以程昱為振武大將軍破袁譚尚

揚威將軍

魏志曰臧霸字宣高泰山人也從太祖討孫權於濡須口

與張遼為前鋒行過霖雨大軍先反水遂長賊船稍近將

士皆不安遼與去霸止之曰公明於利鈍寧肯損吾等耶

明日果有令遼至以語太祖太祖喜之拜霸揚威將軍

建武將軍

魏志曰太祖以夏侯惇為建武將軍
又曰文帝善孟達姿才容觀以為將軍

輕車將軍

漢書曰武帝元光七年以公孫賀為車將軍屯馬邑

伏波將軍

環齊要略曰伏波舡涉江海欲浪伏息也

漢書曰武帝元鼎五年以路博德為伏波將軍伐吳越呂

嘉

東觀漢記曰光武以馬援為伏波將軍

魏志曰夏侯惇為伏波將軍領河尹使得以便宜從事不

拘科制太祖常與同載特同親重出入卧内諸將莫得比也

王隱晉書曰武帝以孫琇為伏波將軍

材官將軍

漢書曰武帝以李息為材官將軍軍馬邑

折衝將軍

魏書曰武帝以樂進為折衝將軍

虎威將軍

魏志曰于禁字文見泰山人將軍王服異之薦禁方任大

將太祖召見與拜軍司馬後拜虎威將軍

吳志曰朱然字義封從孫權討關羽別與潘璋到臨沮擒

羽遷昭武將軍封西安鄉侯虎威將軍呂蒙病篤權問曰
卿不如起誰可代者蒙對曰朱然膽守有餘愚以為可任
蒙卒權假然節鎮江陵

齊書曰柳世隆元景子也出為虎威將軍上庸太守帝謂
元景曰卿以虎威之號為隋郡今復以授世隆使卿間世
不絕公也

後
偏將軍

漢書曰吳漢字子顏南陽宛人家貧以販馬自業素聞世
祖長者獨欲歸心及世祖於廣阿拜漢為偏將軍
又曰臧宮字君翁潁州人也從世祖征戰諸將多稱勇世
祖察宮勤力少言甚親納之及至河北以為偏將軍

吳志曰陳武字子列廬江人孫策在壽春武脩謁時年十
八長七尺七寸及權統事尤為權所愛拜為偏將軍
又曰董襲字元伐會稽人長八尺武力過人拜偏將軍

裨將軍

魏志曰李通字文達江夏平春人以遊俠聞於汪女之間
屬連歲大饑通傾家振於與士分糟糠建安初通舉眾詣
太祖于許太祖討張繡通為先登大破繡軍拜裨將軍

虎牙將軍

漢書曰宣帝以雲中太守田順為虎牙將軍伐匈奴
范曄後漢書曰蓋延字巨卿漁陽人也身長八尺邊俗尚
勇力而延以氣聞與吳漢同歸世祖從平河北世祖即位

拜虎牙將軍

漢臣將軍

東觀漢記曰上於大會中指王常謂群臣曰此家率下諸將輔翼漢室心如金石真忠臣也是日以常為漢臣將軍與將絕席

討虜將軍

東觀漢記曰光武以王霸為討虜將軍繫黃憲

破虜將軍

魏志曰李與字鼻成山陽鉅野人為破虜將軍與好學問貫雅儒不與諸將爭功敬賢士大夫恂恂若不及軍中稱其長者

建義將軍

東觀漢書曰光武以朱祐為建義將軍攻朱鮪

刺姦將軍

東觀漢記曰光武以軍令祭遵為刺客將軍

范曄後漢曰岑彭字君然南陽棘陽人也後世祖拜為刺姦將軍使督察眾營授以常所持節

輔威將軍

東觀漢記曰光武以臧宮為輔威將軍

揚化將軍

東觀漢記曰光武以堅鐔為揚化將軍

安漢將軍

蜀志曰糜竺字子仲益州既定拜為安漢將軍班在軍將
軍之右陸雍容敦雅而翰翮非所常是以待之上賓之禮
未曾有所統御然賞賜優寵無與為比
又曰王平字子均諸葛亮卒武功軍退還魏延作亂一
戰而敗平之功也遷安漢將軍

輔漢將軍

東觀漢記曰光武以鄧奉為輔漢將軍

都護將軍

魏志曰曹洪累從征討為都護將軍

立義將軍

魏志曰龐德以衆降太祖聞其驍勇拜為立義將軍

中堅將軍

魏志曰太祖以許褚為堅將軍又以張遼為中行堅將軍

厲威將軍

魏志曰太祖征荊州還留滿寵行厲威將軍

盪寇將軍

蜀志曰張嶷字伯岐自越雋徵詣成都民夷戀慕泣涕過
旄牛邑邑君襁負來迎及追尋至蜀郡界其督率隨嶷朝
貢百餘人嶷至拜盪寇將軍慷慨壯烈士人多貴人

討逆將軍

吳志曰曹公表孫策為討逆將軍封吳侯

輔吳將軍

吳志曰孫權以張昭為輔吳將軍

沈約宋書曰吳置輔吳將軍班亞三司

盪魏將軍

吳志曰呂據太元元年大風江水盛溢流漸淹城門權使視水獨見據使人取大船以備宮權嘉之拜盪魏將軍

鷹揚將軍

晉書曰郭奕咸寧初遷雍州刺史鷹揚將軍尋假赤幢曲蓋鼓吹

牙門將軍

蜀志曰魏延字文長義陽人也以部曲將隨先主入蜀數有戰功遷牙門將軍

中將軍

北齊書曰沙苑之敗崔仲文持馬尾以渡河波中乍沒乍出高祖望見之曰崔掾也遽遣解赴接既濟勞之曰卿為親為君不顧萬死在家之孝子即國之忠臣加中將軍

中領軍

魏略曰中領軍延康中置故漢北軍中候之官

又曰太祖以史渙忠勇為中領軍禁兵

又曰太祖還長安以曹休為中領軍

又曰文帝征孫權以尚書令陳群為中領軍

晉書曰吳隱為中領軍清儉不葺每月初得祿裁留身糧其餘悉其分賑親族家人績紡以供朝夕時有困絕或併

日而食恒布衣不完妻子不霑寸祿

晉中興書曰羊祜字叔子遷中領軍悉統宿衛入直殿中

執兵之要事兼內外

齊書曰蕭景先武帝少時與景先共車行涯路車久故壞

至領軍府西門車轅折俱狼狽景先謂帝曰兩人脫作領

軍亦不得忘今日艱辛及武帝踐祚詔以景先為領軍拜

日羽儀甚盛傾朝觀屬拜還未至府門中詔相聞領軍令

日無當無折轅事耶景先奉謝

梁書曰臧盾遷中領軍領軍營天下兵要堅局事多有為

人敏贍有風力長於撥繁職事甚理天監中吳平侯蕭景

持此職着聲稱之是盾復繼之

三國典勳曰齊左僕射祖珽附六令萱求為領軍齊主許

之侍中斛律孝卿謂上洛王元海侯呂芬等云珽是漢兒

兩眼翳豈合作領也元海遂入啓之珽言於齊主云元海

與臣素有隙必是元海諸臣齊主曰然珽列元海共太府

少卿李叔元平准令張叔畧等結朋樹黨六令萱又唱和

之遂除元海為鄭州刺史叔元為襄城郡守叔略為南營

州錄事參軍珽遂獨處機衡總知兵事齊主亦令中要人

扶持出入每固御榻論決朝政

高堂隆集曰已巳詔書中領軍游擊皆清玉佩

中護官

史記曰漢高帝以陳平為護國中尉盡護諸將

漢書曰護軍都尉秦官元狩四年屬太司大馬壽元壽元年更名司寇元始元年更名護軍

魏志曰韓浩字元嗣以忠勇顯為中護軍掌禁兵置長史司馬從太祖討張魯魯降議者以浩智略足以綏邊欲留使都督諸軍鎮漢中太祖曰吾安可以無護軍乃與俱其見觀如此

王隱晉書曰鄧攸遷吏部尚書牧馬於家庭妻子素食當時清淨內外肅然遷為中護軍

晉起居注曰武帝太始七年詔曰中護軍職典武選宜得堪幹其事者左衛將軍羊琇有明瞻才見乃心在心其以琇為中護軍

晉中興書曰司徒王導將以趙冰為中護軍孔愉謂導曰中興以來愛此官者用周伯仁應思遠今誠乏才豈可以趙冰居之其秉政不撓皆此類也

世語曰夏侯玄世名知之為中護軍拔用武官無非俊傑多牧州與郡

皇甫謐集云護軍武士之官

晉王羲之臨護軍教曰今所在要在於公役均平其羗大史忠謹在公者覆行諸營家至人苦暢吾乃心其有老落篤癯不堪從役或有饑寒之色不能自存者區分處別自當參詳其宜

北軍中候

漢書曰武帝置中壘校尉掌北軍壘門外內

續漢書曰光武中興中省壘置中候五校尉營

又曰孔文舉拜軍中候

王隱晉書曰荀晞字道將^為北軍中候

又曰太祖永昌元年以鍾雅為北軍中候五年省併領軍

晉中興書曰陶回字恭之王導以回有器幹擢拜北軍中

候回性不畏強禦

朱衣直閣

後魏書曰元文景大司農卿康之次子除員外郎冠軍將軍

朱衣直閣

直寢

後魏書曰于忠字思貞弱冠侍御史文明太后臨朝之刑

政頗峻忠朴直少言終無過誤尋除左中郎將領直寢

又曰楊津字羅漢弘農華陰人也本字延祚高祖賜名焉

少端謹以器度見稱為直寢

直後

後魏書曰元天穆性和厚美形貌年二十起家員外郎領

直後

蕭子顯齊書曰臨海亡命田流自號東海王逃竄會稽鄒

縣邊海山谷中立屯營官軍不能討明帝遣直後聞人襲

說降之

直齋

太平御覽

後魏書田官氏民志曰太和九年十月初置直齋

監軍

史記曰穰苴將兵扞燕晉之師苴曰臣素城君擢之問軍之中加之大夫之上願得君之寵臣國之所無以監軍景公使莊賈往苴與賈約曰會日中於軍門苴先馳至軍立表下漏賈素驕賈夕時乃至苴遂斬賈以徇三軍軍士皆震慄服之

東觀漢記曰光武使宋歙監諸將

范曄後漢書曰宋均字叔庠為監軍時伏波將軍馬援征武溪南臨流水軍士多病均惧眾軍疾疫矯詔迫降之諸將莫應均乃勒兵圍城城詐為詔而降之為置長吏而歸

自効矯詔之罪帝善焉

魏志曰司馬文王征壽春使監軍石苞統卒為遊軍

晉武帝起居注曰豫州刺史胡威忠素質直思謀深奧其

以盛為監軍刺史如故

沈約宋書曰監軍蓋諸持出天將監領之

...

...

